


# 續弘簡錄




漢書門		
二二七	九〇	八〇
號	函	冊
類		

內閣文庫		
二二七	八〇	三六
號	冊	函
類		

內閣文庫		
番號	漢	2227
冊數	80 (66)	
函號	286	79

二十六

三之五



續弘簡錄元史類編卷之三

皇清詹事府少詹事仁和邵遠平戒山學

淺草文庫

天王一

至元十六年巳卯春正月甲寅移贛州省治還隆興辛酉宋合

州安撫王立降詔殺立旣而赦之名入觀仍其故官自是東川

州縣皆下壬戌分川蜀為四道以成都等路為川西道廣元等

路為川北道重慶等路為川南道順慶等路為川東道並立宣

慰司甲戌張弘範李恒兵至崖山張世傑走宋主昺及其官屬

俱蹈海死宋亡前後得戶一千一百八十四萬八百有六二月

戊寅朔升溧州為路遣使訪通皇極數鄱陽祝泌子孫獲其書

以獻癸未增置前後二衛都指揮司共為五衛建司天臺于大

都製銅儀象圭表銅表高四十大又于上都洛陽等五處分置儀表各



設監候官癸卯收大都河間山東鹽運司並兼酒醋商稅甲辰發嘉定新軍屯田脫里北之地命嘉定新附州郡及田楊二家諸貴官子俱充質子入侍乙巳立西蜀四川道提刑按察司志

十九年增詔河南西京北京各路課程聽宣慰司兼領圖太祖太宗

睿宗御容于翰林院命院官春秋致祭三月戊申朔詔大兵渡

江以來農民不無騷動今已安集務宜敦本力田各正官以時

勸課如無成效者糾察見典章遣郭守敬山上都大都歷河南府

抵南海測驗晷景丙寅敕中書省凡掾史文移稽緩一二日者

杖三日者死甲戌授八番龍文求為臥龍番龍延三為大龍番

龍方零為小龍番俱安撫使得洞寨一千六百二十六命太常

寺定州郡祭祀儀式及壇壝祭器圖寫成書名至元州縣社稷

通禮夏四月癸巳命給事中兼起居注掌隨朝諸奏事復立江

西樞茶運司及諸路轉運鹽司宣課提舉司通考云以兩淮鹽引五萬道各商中

癸卯填星犯鍵閉乙巳選南軍二萬人增宿衛五月丙辰置

漣海等州總管府募民屯田丙寅敕僧司文移毋輒入遞丁卯

升雲南寶山崑渠二縣為州癸酉行省言賦北京西京車牛皆

至可運軍糧帝曰民之艱苦汝等不問但知役民使今年盡取

則來歲田禾何由得種其止之六月丁丑朔發新附軍戍碭門

魚通黎雅甲申宋張世傑溺死海陵部將百五十八人詣瓊雷

二州降癸巳雲南都元帥愛魯將兵分定亦奚不薛抵金齒蒲

驃曲蠟緬國界招降忙木巨木禿等三百寨師還獻馴象十二

亦奚不薛者羅施鬼國別部也亦曰亦乞不薛令京朝諸官雇役開浚通州河癸卯以

阿合馬子忽辛為潭州行省左丞從子別都魯丁為河南宣慰

使秋七月戊申置東宮侍衛軍定江南上中路置達魯花赤二

員下路一員應昌府如例設官已未收朶哥麻思地之算木多  
 城爲鎮西府丙寅填星犯鍵閉癸酉遣中丞崔或訪求江南藝  
 術之人八月庚辰太陰犯房距星戊子海賊賀文達降括所掠  
 婦女還之民庚寅敕沅州總管乞答合征取桐木籠犴狍伯洞  
 諸蠻海賊金通精死獲其從子溫有司論如法帝曰通精已死  
 溫何預焉特赦其罪詔每歲聖誕元辰禮儀費用名爲已俸無  
 非科斂民財應一切停止典章云每遇聖誕元辰前期一月文  
 武官躬詣寺觀啟建祝延聖壽萬安  
道場本日質明朝臣詣闕稱賀外官則率僚屬儒生耆老僧道  
 人等結綵香案呈舞百戲夾道祇迎就寺觀敘班舞蹈三呼畢  
 公宴而散其費皆督之里下以爲常丁酉以江南所獲碧玉爵及玷凡四十九事  
 納于太廟庚子歲星犯軒轅大星甲辰定漢軍出征逃者死且  
 沒其家女真水達達軍不出征者隸民籍輸賦九月庚戌以忽  
 辛兼領杭州諸色人匠歲造繒段十萬匹置大護國仁王寺總

管府建聖壽萬安寺于京城已巳統軍唐兀帶麻陽達魯花赤  
 武伯不花劫掠辰沅新附民千餘口詔卽軍中斬之冬十月乙  
 酉帝御香閣命大樂署令完顏椿等肄文武樂丙申太陰犯太  
 微西垣上將十一月丙午詔皇太子燕王參決朝政凡事先啟  
 後聞戊申敕諸路所捕盜初犯賊多者死再犯賊少者從輕論  
 罪有盜以舊鈔易官庫新鈔百四十錠者有司謂罪不應死帝  
 以其父執役巨家卽論如法癸丑太陰犯熒惑已巳併教坊入  
 拱衛司十二月甲申祀太陽丁酉八里灰貢海青回鶻等所過  
 供食羊非自殺者不食百姓苦之帝曰彼吾奴也飲食敢不隨  
 我朝乎禁勿與降歸州路爲州升沔陽安陸各爲府濟寧安西  
 慶遠建寧漳惠梧柳象邑賓橫容潯諸府州並爲路  
 十七年庚辰春正月丙辰定遷轉官員法凡無過者授見闕物

故及過犯者選人補之滿代者令還家以俟又定諸路差稅新  
增者卽上報隱漏者加罪不必履畝清丈動搖百姓戊辰放荆  
南江廣所俘男婦三萬二千餘人爲民置福建行省于福州尋  
移泉州改德慶路爲總管府二月乙亥命和禮霍孫將兵與高  
和尚同赴北邊時有言高和尚善秘術能役鬼爲兵故有是役巳丑瀘州安撫梅應春  
前爲宋制置張瑄所殺其子國賓詣闕訟寃帝命以瑄畀國賓  
俾復父讐瑄聞之自經死三月乙卯立都功德使司掌帝師所  
統僧徒并吐番軍民事賜國師掌教所印辛未立畏吾境內交  
鈔提舉司柳林營田提舉司給月脫古思入部屯田牛具陝西  
轉運使郭琮等殺安西王相趙炳詔逮琮等誅之夏四月壬申  
朔升宣德龍門鎮爲宣德縣隆興楊門站爲懷安縣丁亥立杭  
州金玉總管府庚子歲星犯軒轅大星山東諸郡霜真定路蟲  
皆損桑五月甲辰作行宮于察罕腦兒之北丙午升沙州爲路  
并括戶丁以富戶餘田分戍軍耕種六月辛未朔新曆成詔曰  
自古有國牧民之君必以欽天授時爲立治之本黃帝堯舜以  
至三代莫不皆然爲斯官者皆世守其業隨時考驗以與天合  
故曆法無數更之弊及秦滅先聖之術每置閏于歲終古法蓋  
殫廢矣由兩漢而下立積年日法爲推步之準因仍沿襲以迄  
于今夫天運流行不息而欲以一定之法拘之未有久而不差  
之理差而必改其勢有不得不然者前命太史院作靈臺制儀  
象日測月驗以考其度數之真積年日法皆所不取庶幾脗合  
天運而永終無弊此者新曆告成賜名授時曆頒行天下布告  
遐邇咸使聞知見典章壬申安西王薨罷王相府壬辰頒鈔法于  
江淮廢宋舊錢并括銅器戊戌阿合馬矯殺江淮平章阿里伯

右丞燕帖木兒崔斌等秋七月戊申太陰掩房距星巳酉太陰  
 犯南斗徙泉州行省治隆興戊午阿合馬薦郝禎耿仁並為中  
 書左丞用姚演言開膠東河屯田漣海乙丑罷江南財賦總管  
 府併大都鹽運司入河間割建康民二萬戶種秫歲輸釀米三  
 萬石巳巳遣中使歷江南名山訪求高士且命持香帛詣信州  
 龍虎山臨江閣皂山建康三茅山設醮八月庚午朔改蒙古侍  
 衛總管為蒙古侍衛親軍都指揮使丙子太陰犯心東星丁丑  
 唆都請招三佛齊等國不允是月許衡致仕姚樞卒九月甲子  
 太陰掩右執法弁犯歲星丁卯羅施晁國主阿察阿里降召入  
 覲冬十月丁丑遣湖南兵萬人伐亦奚不薛降其民亦奚不薛  
 稱疾遣從子入朝帝曰彼不稟命輒以職授從子無人臣禮宜  
 令亦奚不薛出始罷兵壬午立陝西四川行中書省巳丑以都

實為招討使往西域窮河源

按河源古無所見自漢使張騫道西域度玉門見二水交流發葱嶺

趨于闐滙鹽澤伏流千里至積石而再出唐薛元鼎使吐番訪  
 河源得之闕磨黎山世之論河源者皆推本二家其說近誕元  
 潘昂霄以都實使還得其詳撰河源志謂源在吐番朶甘思西  
 鄙有泉百餘泓沮洳散渙弗可逼視方可七八十里燦若列星  
 名火敦腦兒譯言星宿海也群流奔嶽近五七里滙為二巨澤  
 名阿刺腦兒自西而東連屬成川號赤賓河又合亦里赤忽闌  
 也里木三河其流寢大始名黃河又岐為八九股行二十日至  
 大雪山名騰乞里塔即崑崙也由此而南至濶即及濶提二地  
 始相屬又經哈刺別里赤兒之地合細黃河及乞兒馬赤二水  
 北行復折而西流過崑崙北又轉而東北行約二十餘日至積  
 石始入中國世言黃河九折蓋彼地有二折云都實受命自河  
 州起行四閱月始抵其地既還圖其城傳形勢來上帝悅命往  
 營之丙申定在官者任事一月始給俸初製象輦以備巡幸十一  
 月巳亥朔置泉府司掌御用及太后太子諸王出納事戊申敕  
 疏通鈔法凡賞賚多給幣課稅多收鈔是月廉希憲卒十二月  
 戊寅加奉使木剌彝國速刺蠻為招討使壬辰福建陳桂龍及  
 其兄子陳甲眼據漳州反元帥完者都擊之走入畚洞甲午重

續弘治錄

卷三

四

續弘治錄

建太廟成奉遷神主于祔室迎太祖睿宗二金主入新廟行大  
 享禮置北庭都護府掌畏吾兒之居漢地者阿木卒于軍改雷  
 廉封化高五州為路徙峽州路于江北舊治復置鄯縣隸鞏昌  
 是歲置榷茶都轉運司于江州總江淮荆湖福廣之稅通考云  
 除長引  
 專用短引每茶一引收鈔二兩四錢五分是年命戶部大定  
 諸例全科戶丁稅每丁粟三石驅丁及減半科戶丁稅每丁粟  
 一石新收交參戶第一年五斗第二年七斗五升第三年一石  
 二斗五升第四年一石五斗第五年一石七斗五升第六年入  
 丁稅協濟戶丁稅每丁粟一石凡輸納之期初限十  
 月中限十一月未限十二月違者初犯笞再犯杖

十八年辛巳春正月丁未敕江南州郡官蒙古回鶻人兼用丙  
 辰改符寶局為典瑞監收天下諸司印二月乙亥發刑徒減死  
 者為軍征海外立上都留守司升敘州為路隸安西省移潭州  
 省治鄂州湖南宣慰司治潭州丙戌發肅州軍民穿渠溉田乙  
 未皇后弘吉刺氏崩皇太子真金自獵所奔至三月己亥立登  
 聞鼓院有冤者許撾鼓以聞是月許衡卒夏五月癸卯禁西北

邊回鶻人越境為商丙辰歲星犯右執法庚申分烏蒙路隸雲  
 南順慶路隸川東詔括黎丹戶嚴鬻人禁安西軍站凡和雇和  
 買與民均役秋七月甲午朔置和中所于甘州以儲兵糧癸卯  
 太陰犯房距星庚戌松州知州僕散禿哥前後射虎萬計賜號  
 萬虎將軍八月甲子朔招討使方文言擇守令崇祀典戢奸吏  
 弭盜賊整軍旅獎忠義六事下廷臣議行丙寅熒惑犯諸侯西  
 第三星壬辰海南諸國貢犀象閏月癸巳朔熒惑犯司怪南第  
 二星庚戌太陰犯昴丁巳命播州每歲親貢方物壬戌兩淮轉  
 運使阿刺瓦丁坐盜官鈔伏誅詔給怯薛歹糧拘其所占田為  
 屯田九月癸酉定市舶商貨已經泉州抽分者他處止令輸稅

通考云立市舶司于泉州慶元上海澈浦每歲招集舶商于外  
 番博易珠翠香料等物回帆依例抽解後聽自貨賣官為十分  
 賣公商錄

取一粗者十五分取一時客船自泉福販土產物者所徵亦與番貨等上海市舶提控王楠以為言於是定以雙抽為番貨單抽為甲申太陰犯軒轅大星冬十月乙未以皇后祔享太廟乙

巳命安西王府協濟戶及南山隘口軍于延安鳳翔六盤等處

屯田丁未置河西織毛段匠提舉司巳酉命張易等察校道藏

諸書惟留道德經餘悉焚毀庚戌詔諭于不昔國來附壬子置

各省蒙古提舉學校官擢管軍千戶程文海為集賢直學士兼

秘書少監和禮霍孫守司徒改諸路屯田李蘭奚總管府為農

政院十一月癸亥朔詔諭探馬赤令歸附探馬赤譯言手子賊衆部族也

首陳弔眼伏誅桂龍降流之邊地甲戌太陰犯五車次南星丁

丑犯鬼丁亥太陰掩心東星十二月甲午命瓮吉刺帶為右丞

相阿合馬為左丞相丙午太陰犯軒轅大星癸丑免益都淄萊

寧海開河夫今年租賦仍給其備直免福州路十八年以前逋

賦是歲揚州火通泰二州饑發粟二萬石賑之

十九年壬午春正月壬戌朔諸王撒里蠻誘執叛王昔里吉遣

使馳報丁卯增兩浙鹽價每引鈔四貫通考云用姚元之請命江南稅糧依宋舊制折

雜物輪綿絹二月辛卯朔饒州總管姚文龍言江南財賦歲可辦鈔

五十萬錠詔以文龍為江西道宣慰使兼措置茶法通考云用

南全輸米三之一餘並入鈔折之以七百萬錠為率歲得羨鈔

十四萬其輸米者止用宋斗斛蓋以宋一石當今七斗故也

甲午給甘州逃軍五千人自願挈家還戍者鈔一萬六百二十

錠每口布一疋驢一頭乙巳立廣東提刑按察司及鐵冶總管

府改羅羅斯宣慰司隸雲南浙東宣慰司治溫州分軍戍江南

白歸州及江陰至三海口凡二十八所癸丑大良坪元帥蒲元

圭遣子入朝三月壬午益都千戶王著擊殺阿合馬于闕門捕

著及其黨高和尚併樞密副使張易皆醢于市夏四月丁酉瓮



吉刺帶罷命和禮霍孫爲右丞相戊戌立回易庫倒換金銀昏  
鈔帝以諸王公主分地所設達魯花赤例不遷調百姓苦之敕  
任滿依常調選代壬寅敕于灤河造官車以給歲用毋派取民  
甲辰帝悟阿合馬之姦逮其子忽辛赴揚州鞠問始鉤考諸處  
平準庫汰倉庫官察所占民田還其主戊申敕凡文書俟奏可  
始用御寶刊行蒙古畏吾字所譯通鑑庚戌設懷孟路河渠使  
副官壬子制民間貸錢息以三分爲率定內外官三年考滿叙  
升未滿者不得超越命雲南諸路各建學祀宣聖五月己未朔  
戮阿合馬尸窮治其黨黜省部濫設官七百十四人罷南京西  
京宣慰司盡拘諸位下所給印已巳遺浙西宣慰同知劉宣等  
理算各省鹽茶及財賦府出納之數籍阿合馬妻子親屬奴婢  
財產并逮其黨耿仁別都魯丁至大都誅之癸未以麥木丁爲

中書右丞張雄飛叅知政事乙酉令逃軍黥其面仍使從軍六  
月己丑朔日食癸丑罷司徒府及農政院丁巳亦奚不薛千戶  
宋添富順元總管阿里降秋七月戊午朔日食詔于揚州岳州  
各立行樞密院辛酉朔阿合馬黨郝禎棺戮其尸壬戌禁諸位  
下差軍護送私營錢貨蒙古軍守江南者令吏番還家壬申立  
馬湖路總管府戊寅議建阿失答不速皇城用木十二萬道遠  
難致照察罕腦兒地築土爲墻乙酉闢婆國貢金佛塔九月丁  
巳朔定歲貢額上路總管府三年兩貢儒吏各一人下路總管  
府二年一貢儒吏遞進儒必通吏事吏必知經史中書省掾史  
有關於院臺令史內選取院臺令史於六部令史內選取六部  
令史以歲貢儒吏補充見典章通考云各路司吏有關取所屬衙門人吏委本路長官同儒學官考  
試以習行移算術詩書論孟內通一經者爲中選然後補充按  
察司書吏有關於州司吏內勾補諸歲貢吏當該官司于見役

世祖二

人內公選以儒吏兼通者為上才識明敏吏事熟爛者次之月日雖多才能無取者不許呈貢  
 戊午誅阿合馬第三子阿散四子忻都剝其皮以狗弁誅其從子率奴丁庚申罷漣海州屯田以游顯行省揚州領浙江漕運辛酉海外南番俱藍國主遣使奉表進寶貨及黑猿一那旺國主忙昂以其國無識字者遣使四人不奉表蘇木都速國主土漢入的亦遣使二人蘇木達國相臣那里八合刺攤赤以事在俱藍聞詔代其主打古兒奉表進指環印花綺段及錦衾二十合寓俱藍也里可溫主兀咱兒撒里馬亦奉表進七寶項牌藥物又管領木速蠻馬合麻亦遣使奉表同日赴闕諸番唯俱藍最遠去泉州十萬里招討使楊庭璧三往招之乃入貢壬戌敕官吏受賄及侵盜倉庫輕者杖決重者死言官緘默與受賤人一體論罪乙丑括雲南所產金置打金洞達魯花赤其稅賦用金為則壬午釐正選法置黑簿籍阿合馬黨人之

冬十月丁亥朔復以耶律鈞為左丞相札散平章政事丙申

立詹事院置左右詹事各一員設京畿江淮兩都漕運司歲令

江淮運糧至中灤京畿接運至大都通考云初立京畿都漕運使總漕事至是分立都

漕運司于河西務乃止領在京諸倉出納糧斛及新運糧提舉

司站運備運公事其在河西務者掌御河上下至直沽河西務

李二寺通州等處備運糧斛各置運使二人癸卯分禁中出納為三庫御用寶玉遠

方珍異隸內藏金銀質孫衣段隸右藏常課衣段綺羅縑布隸

左藏以宦者掌其鑰乙巳遣使招降法里郎阿魯乾伯等國庚

戌以四川民少止留成都廣元順慶重慶夔府五路餘悉裁去

詔兩廣福建雲南地遠五品以下官從行省銓注奏用乙卯誅

阿合馬長子忽辛次子抹速忽于揚州十一月戊午置利用庫

于上都甲子召宋衍聖公孔洙為國子祭酒兼提舉浙東學校

壬申設沿河巡軍有勢家為商賈阻遏民船者沒其家甲戌釋

天下重囚除大逆外令充征海軍丙子四川大盤洞主向臭友  
等來朝十二月庚寅以張文謙為樞密副使乙未給瀛國公趙

熈衣糧發遣上都殺宋丞相文天祥于燕京續資治云世祖重

論旨欲用之積翁請釋為黃冠留夢炎不可曰使天祥復出號

名江南將置吾輩于何地事遂寢劉岳申文信公傳云天祥

初至燕館供帳如上賓天祥義不寢處越五日送兵馬司械繫

空宅中十餘日得疾去械猶繫須自是囚兵馬司者四年就戮

于燕南城柴市趙弼傳云天祥至柴市問曰孰南向或有指

之者即南向再拜死世祖歎曰好男子不肯為吾用殺之誠可

惜是後連日陰晦宮中白晝或乘燭適張真人入朝世祖問之

對曰此殆殺文丞相所致乃贈公特進金紫光祿大夫開府儀

同三司檢校太保中書平章政事廬陵郡公諡忠武令王積翁

書神主酒掃柴市設壇祀之丞相李羅初行奠禮狂飈旋地起

卷主入雲中李羅等改書前宋少保右丞相信國公天始開霽

二年京景物畧云江南十義士昇公藁葬都城小南門外大德

婢也為階引至葬處碑刻信公二字遂以歸廬陵癸卯詔御史

臺得自選其屬仍參用蒙古人員罷湖廣金銀鐵冶提舉司隸

各路總管府徵處士劉因為右贊善尋辭歸是歲始命上海總

管羅璧暨千戶朱清張瑄造海船六十艘由海道運糧四萬六

千石至大都

二十年癸未春正月己未立弘吉刺氏為皇后是為喃必皇后乙丑定

匿名書告事重者死輕者流遠方諭管民官凡遇災傷過時不

報及按察使不即行視者加罪丁卯伐船材于烈壩都山乾山

起運民夫八千人己巳太陰犯軒轅御女庚午徙平灤造船廠

於陽河就近運木庚辰太陰入南斗壬午改鞏昌按察司為河

西隴北道廣東按察司為海北廣東道廣西按察司為廣西海

北道福建按察司為福建閩海道二月戊子定川廣戍軍三年

一更仍廩其家屬立武成王廟于樞密院西以孫武子以下十

人從祀庚寅太陰掩昴庚子省四川東西北三道宣慰司及潼

丑定軍官選格萬戶千戶鎮撫自奏准日始三年為滿通行遷  
 轉百戶以下不拘此例官吏賊罪自五十貫以上皆決杖除名  
 不敘百貫以上者死乙巳太陰犯心甲寅降太醫院為尚醫監  
 立江南四省官醫提舉司三月丁巳罷河西行御史臺立鞏昌  
 等處行工部罷福建市舶總管府併泉州行省入福建行省免  
 福建歸附後未徵苗稅通考云忙古帶言船商皆以金銀已未  
 易香木于是下令禁之惟鐵不禁放五臺山及南城造寺夫四萬人是夜歲星犯鍵明庚申太陰  
 犯井壬戌犯鬼乙丑罷淮安淘金官惟計戶取金立雲南提刑  
 按察司給西川福建兩廣之任官驛已巳歲星犯房癸酉掩房  
 廣州民林桂方反偽號羅平國收元延康軍擒斬之壬午省  
 福建道宣慰司復立行省于漳州夏四月丙戌立別失八望和  
 等處宣慰司己亥太陰犯房庚子歲星犯心戊辰四川若丞也

速帶兒招撫筠連定州諸蠻獨山都掌蠻不降進討之擒其長  
 得蘭紐遂班師辛亥麥木丁等檢舉萬億庫以罪繫者多請付  
 蒙古人治帝曰蒙古人為利所汨亦異往日矣其擇可任者使  
 之三月戊午縱平灤造船軍歸耕撥大都軍代之丙寅太陰掩  
 心東星丙子諭雲南重囚先令便宜處決者自今恐濫及無辜  
 仍令待報戊寅從御史中丞崔彧言罷採民間室女頒行采文  
 思院小口斛立海西遼東提刑按察司按治女真水達達部已  
 卯詔江南漕糧于濟州新開神山河及海道兩路兼運時上年  
 游運方至直  
 六月丙戌嚴私易金銀禁已丑增內外官吏俸詔曰設官  
 分職本以為民適年諸物增價俸祿不足養廉以致侵漁百端  
 公私交困自今內外官吏俸給以十分為差添支五分以示體  
 恤臣下至意見典辛亥四川行省討平九溪十八洞蠻析其地

爲州縣隸順元路以向世雄爲義巴洞安撫大使秋七月癸丑朔免征骨鬼軍賦丙辰太白犯井癸亥太陰犯南斗乙丑太白犯井丙寅開雲南驛路分亦奚不薛地爲三立宣慰司及總管府丁卯熒惑犯司怪丙子省江南十道宣慰司官四十七員定上都商稅六十分取一立總教院及務農司八月癸未以明理察平章軍國重事立懷來淘金所丙午太白犯軒轅丁未歲星犯鉤鈴濟州新開河成立都漕運司九月壬子太白犯軒轅少女戊午太陰犯斗象山賊尤宗祖聚衆掠海上阿刺帶往招之降其徒萬人海道以寧丙寅徙舊城市肆苟院稅務入大都止四十分徵一已巳太白犯石執法辛未以歲登開諸路酒禁壬申太陰掩井癸酉熒惑犯鬼甲戌太陰犯鬼熒惑犯積尸氣太白犯左執法冬十月甲午以札散爲樞密副使詔五衛軍十人爲率以七人三人分爲二番每月放七人者還家正月復役正月放三人者還家四月復役更替休息丙申太陰犯昴庚子建寧降賊黃華復叛聚衆十萬號頭陀軍犯崇安浦城諸邑壬寅耶律鑄罷戊申立和林平準庫罷中興管課及北京鹽鐵提舉司十一月癸丑命各省印造授時曆初各省曆日皆取給京湖等四省所用者隆興印之雲南四川等省所用者京兆印之設大都城門尉戊寅太白歲星相犯十二月壬辰以中書叅議溫迪罕禿魯花廉貧不附權勢賜鈔百錠辛丑徙新附官仕內地甲辰太陰掩熒惑丙午罷雲南金箔規措所定質子令凡大官子弟遣赴京師是歲以新開河運船多損壞仍事海運通考云先用王積翁議廣開新河然于是罷新河事海運立萬戶府二以朱清爲中萬戶張瑄爲千戶忙兀解爲萬戶府達魯花赤爲大理寺給布萬匹賑女真饑民

二十一年甲申春正月乙卯帝御大明殿群臣上尊號曰憲天  
 述道仁文義武大光孝皇帝朝賀如正旦儀大赦天下詔曰惟  
 我祖宗創業垂統區宇之廣衆所悉知其御下也為善而有功  
 者必賞為惡而有罪者必罰此列聖相承之定制也比者公卿  
 耆舊詣闕拜章謂朕壽祉方隆奉進冊寶請上尊號屬茲大慶  
 宣布寬條茲用播告中外所有雜犯重典以下盡從釋免凡爾  
 有衆自今以始各務惟新無替朕命見典甲子罷諸路理算官  
 江浙平章忙忽帶進真珠百斤丙寅立安豐芍陂兩屯戶于淮  
 南發軍士二千人耕之丁卯建都金齒西南夔十二部皆降先  
 都為緬所制今緬破故降立江淮荆湖江西四川行樞密院治建康鄂州撫  
 州成都丙子建寧賊首黃華自殺丁丑諸路按察使陞辭帝曰  
 卿等到官當宣明朕意勿求貨財名成則利隨之徇利必失其

名而身命且不可保尚其慎之二月諭各路堤堰令總管府等  
 州縣長官常行驗視遇有損壞即便修築毋致滄沒民田聽各  
 道按察使不時糾察貧民情願復業者給付原產仍免一切逋  
 課私債三年後方許取索俱見壬辰邕州民黃大成為亂梧韶  
 衡諸州起應之甲午罷新開河役移其軍及水手各萬人事海  
 運丁未徙江南樂工八百家于京師戊申移江淮行省治杭州  
 浙西宣慰司治平江省黃州宣慰司入淮西道立法輪竿于大  
 內萬壽山高百尺遷宋宗室及其大臣之家屬于內地三月丁  
 巳皇子北平王南木合至自北邊丞相安童亦至丁卯太廟正  
 殿成奉安神主至元十八年依太常寺議定太廟新夏四月從  
 御史李昂言有父兄居憲臺而子姪為按察使或父兄為按察  
 使而子姪在別道為官者並令迴避軍官毋受民詞押運毋帶

私貨管民官自三月停訟十月始行和買諸物止從出產處所  
 隨時給值不得強其所無重累百姓俱見典章乙酉省泉府司入戶  
 部立大都留守司及總管府置西川延安鳳翔興元宣課司已  
 亥涿州巨馬河決籍江南鹽徒軍戊申命開元路造船百艘付  
 狗國戍軍五月巳酉立二千戶總欽察康里子弟願為國宣勞  
 者巳未蠲江南田賦十之二其十八年以前逋欠盡免徵縱江  
 南匠戶之無藝業者十九萬為民庚午括天下私藏天文圖識  
 太乙雷公式七曜曆推背圖顯明曆苗太監曆有私習及收匿  
 者加罪閏月巳卯改西南番安撫司為總管府給西川蒙古軍  
 鈔使耕汾江曠土四頃以下免輸稅丙戌遷揚州行臺于杭州  
 罷群牧皮貨局所六月壬子遣使分道尋訪測驗晷景日月交  
 食曆法甲子遣軍六千人淘金雙城移和林屯田軍于五條河

秋七月丁丑朔立衍福司革軍官所帶相銜八月丁未雲南華  
 帖白水江鹽井三處土老蠻叛殺諸王及行省使者定軍官格  
 例以河西回鶻畏吾兒等依各官品充萬戶府達魯花赤同蒙  
 古人女真契丹同漢人若女真契丹生西北不通漢語者同蒙  
 古人女真生長漢地者同漢人已酉遣無籍軍舊從征者還家  
 勿許持弓矢放福建畬軍並收其軍器散其部長於近處為管  
 民官甲戌以建都女子沙智立站有功令管萬戶事詔議貢舉  
 續資治云丞相和禮霍孫言天下習儒者少山刀筆吏得官者  
 多帝曰將若之何對曰惟貢舉收士為便凡蒙古之士及儒吏  
 陰陽醫術皆令試舉則九月甲申京師地震立福建鹽課市舶  
 都轉運司通考云設市舶都轉運使于泉州三州官自具船給  
 人得其三凡權勢家皆不得出已費入番為實犯者併江淮福  
 籍家產之半其諸番客旅就官船買賣者依例抽稅併江淮福  
 建為一省癸巳太白犯南斗甲辰海南貢白虎獅子孔雀冬十

月丙午發鈔常平倉與民和糶典章云以今歲秋成爲始凡收年減價出糶以刺貧民已酉敕管軍萬戶爲行省宜慰使者毋兼管軍事

仍爲萬戶者毋兼蒞民政辛酉敕宋有手號軍死則以兄弟及子繼之免文其手十一月庚子太陰犯心辛丑和禮霍孫麥木

丁張雄飛溫廻罕皆罷復命安童爲右丞相盧世榮爲右丞史樞爲左丞撒的迷失廉希恕叅知政事敕中書省整治鈔法定

金銀價禁私自回易癸卯海外南來里別里刺理倫大力等四國各奉表來貢命司農司自襄陽至東海募民開荒免其租六

年并一切雜役十二月甲辰創立常平鹽局癸亥從盧世榮言禁民間釀酒官自酤賣初民間酒聽自造每米一石官取鈔一貫至是出官鈔五萬錠立權貼法每石

取鈔十貫丙寅荆湖行省招降龍昌寧龍延萬等奉羊馬白氈來貢癸酉御史中丞崔彧言盧世榮不可居相職帝怒削彧官命翰

林集賢院召諸路醫學教授增修本草是歲西僧楊埴真伽發宋帝后諸陵及大臣冢墓凡一百一所宋太皇太后謝氏卒于

燕征東招討使聶古帶言海道艱阻罷征骨鬼兵二十二年乙酉春正月戊寅弛民間買賣金銀及江淮魚利禁

罷懷孟諸路竹監聽民貿易官止收稅庚辰毀米郊天臺建佛寺戊子增遣軍士二千人屯田芍陂歲收米四萬餘石後屯戶四千餘人得米數十萬斛真定民劉驢兒有三乳白以爲異謀不軌伏誅移

五條河屯軍于兀失蠻札失蠻之地癸巳盧世榮奏罷江南行御史臺以所屬按察司爲提刑轉運司俾兼錢穀隸內臺辛丑

命禮部領會同館壬寅造大樽于殿以木爲質銀內金外鏤雲龍高一丈七寸二月詔考課官吏從前責以五事因無激勸之


方徒示虛文致鮮實効自今每歲終考課以五事備具著有成



効者為中考第一考加妻封號二考令子弟承蔭三考封贈祖  
 父母父母其品格不及封贈者量遷官階有政績殊異者不次  
 優擢凡封贈一品爵國公母妻並國夫人二品爵郡公母妻並  
 郡夫人三品爵郡侯四品爵郡伯母妻並郡君正五品為縣子  
 從五品為縣男母妻並縣君下此者止用散官六品母妻曰恭  
 人七品母妻曰宜人見典章乙巳增濟州漕船三千艘役夫萬二  
 千人初江淮歲漕米百萬石于京師海運十萬石膠萊六十萬  
 石濟州三十萬石以水淺舟大不能達至是更以百石  
 之舟每舟用四改江淮江西元帥招討司為上中下三萬戶府  
 人故夫數增多宿州蘄縣真定沂鄆益都高郵汾海七翼為上萬戶棗陽十字  
 路邳州鄆州杭州懷州真州八翼為中萬戶常州鎮江穎  
 州廬州亳州安慶江陰水軍益都新年湖州淮安壽春揚州泰  
 州弩手保甲處州上都新軍黃州安豐松江鎮江水軍建康二  
 十二翼為下萬戶蒙古漢人新附諸軍相參為三十七翼翼設  
 達魯花赤萬戶副萬戶各一員隸所在行院丙午割荆湖所隸  
 八番羅甸歸西川析嵐管為二州辛亥廣東宣慰使月的迷失  
 討平潮惠二州盜郭逢貴等四十五寨降民萬餘戶丙辰罷膠  
 萊所鑿新河壬戌太陰犯心升御帶庫為章佩監戊辰復立行  
 御史臺于江州居江浙湖南江西之中諸路按察司職掌仍舊  
 從盧世榮請立規措所回買江南民田拘收天下銅器增置真  
 定濟南太原甘肅江西北淮湖廣諸道宣慰司兼都轉運司嚴  
 治課程復命兗吉刺帶為左丞相忽都魯平章政事罷融州總  
 管府為州三月禁民間不得織造銷金段疋倡優市井諸婦不  
 得妄用金飾釵釧等物違者發官典章丙子遣太史監候往占  
 城測日晷癸未改甘州行宮為宣慰司諫李夏行省庚子詔依


舊制每鹽一引四百斤價銀十兩折鈔爲二十貫夏四月庚戌  
監察御史陳天祥劾盧世榮罪惡詔同赴上都面質世榮悉欵  
服癸亥以麥木丁不附世榮命與安童同治省事五月甲戌以  
郭佑祭知政事戊寅詔甘州每地一頃輸稅三石壬午發軍千  
人修阿失鹽場倉以忻都爲踢里王招討使戒毋興兵遠畧甲  
申立汴梁宣慰司依安西王故事汴梁以南命親王出鎮戊子  
改昇江烏定朶里減該等府爲路雲南省臣脫帖木兒陳蠲逋  
賦徵侵隱或要盜明黜陟罷轉運給親王賦豪戶除重稅決盜  
賊增驛馬取質事教農桑優學校卹死事捕逃亡十六  
事下中書省議寅復錄臺于杭州行院于建康六月庚  
午詔減商稅罷牙行牙行本謂之互郎謂主互市者唐人書互作牙故因訛耳省市舶  
司人轉運司帝諭安童曰國家人事汝事朕左右無

復漢人可否皆自朕決汝當盡心善治百姓無使重困致亂以  
貽朕羞秋七月壬申造溫石浴室及更衣殿甲戌敕祕書監修  
地理志戊寅分甘州新附軍屯田亦集乃路甲申析濶里吉思  
所平大小十谿洞爲郡縣丁亥廣東宣慰使月的迷失入覲言  
山寨降者五百餘所帝問戰而後降耶招之卽降耶對曰是皆  
招降者也因言兵荒後未嘗存恤其民州縣官復無之任者以  
故盜賊各據一方互相攻殺人民漸耗宜令良吏急往撫之帝  
可其奏八月庚子給鈔萬二千四百錠爲本取息贍甘肅屯軍  
辛丑命有司祭斗三日己未復立泉府司九月立竹課提舉司  
于衛州凡係官竹園以時採賣設府州司縣弓手祇候公使人  
等免其差稅令衆戶計額均輸見典戊辰罷權酷聽民自造民  
間仍用銅器乙亥以江北諸課程聽杭鄂二省節制道途迂遠



改直隸中書省丙戌速木都刺馬答二國遣使入貢西崖門渠  
長阿者等百餘戶來降冬十月己亥發鈔五千錠和糴于應昌  
復分河間山東鹽課轉運司為二丙辰遣兵戍合刺章即烏其  
部長之子令入質京師千百戶子留質雲南王所復置四川嘉  
定路及敘州宣撫司烏蒙土官阿蒙叛討擒之并其妻子伏誅  
十一月己巳朔給宋鹽軍千餘人衣糧使屯田自贍乙未盧世  
榮伏誅丙申赦囚徒黥其面及宋時私販軍並從征海外十二  
月丁未皇太子真金薨諡曰明孝太子己未丹太廟楹辛酉分  
立集賢院掌提調學校徵求隱逸名集賢良凡國子監道教陰  
陽祭祀占卜等事皆隸之初與翰林國史院同署至是分置兩院甲子敕工匠官  
毋遷轉是歲命哈刺哈孫為大宗正復改大理寺為大都護府  
始行賑糶法于京城設三舖發倉粟減其直糶之歲以為常以  
大都供應繁苦悉免軍民地稅

二十三年丙戌春正月戊辰朔以皇太子故罷朝賀禁賞金銀  
銅錢越海互市壬午太陰犯軒轅太民癸未罷鞏昌二十四城  
拘權所歸有司癸巳升隆興武寧縣為寧州福州長溪縣為福  
寧州降鎮巢府為巢州敘州為縣丙申設諸路推官審理刑獄  
上路二員中路一員二月己亥禁用私斛斗秤尺乙巳罷山北  
遼東道宣慰司立東京等處行中書省治咸平丙午太陰犯井  
丁未定按察司副使以下每歲二月巡行分治十月還司癸丑  
復置隰州大寧縣戊午併江南行樞密院四處入行省罷鬻江  
南學田癸亥太史院上郭守敬所撰授時曆經及李謙曆議命  
宣付翰林國史院丙寅名曲阜教授陳儼京兆蕭顛蜀人虞應  
龍修地理志儼斲不至三月己巳遣直學士程文海偕行臺官



博采江南人才備臺察用太陰犯婁甲戌省雲和署入教坊司  
立欽察衛親軍都指揮司乙亥命麥木丁仍中書右丞與郭佑  
並領錢穀楊居寬典銓選丙子定行臺以八月巡行郡縣至次  
年四月中還務期遍歷癸巳歲星犯壘壁陣夏四月庚子置燕  
南河東山東各道宣慰司濟南太原爲諸王分地令各委官一  
人同治敕江南諸路財賦並隸中書省甲辰徙杭州行臺治建  
康統淮東西湖南北浙東西江東西八道按察司庚戌始制謚  
法巳未以從官南方者秩滿多不歸遣使盡徙北還初有旨凡  
爲盜者殺毋釋省臣疑太過帝曰朕以漢人徇私用金泰和律  
斷事致盜賊滋衆故有是言人命至重今後非詳讞者勿輒殺  
五月巳巳熒惑犯太微西垣上將徙江東按察司治宣州庚辰  
歲星犯壘壁陣乙酉熒惑犯太微右執法六月丙申朔太白犯

御女乙巳復立大司農司仍以所定農桑輯要書頒諸路戊申  
括馬凡色目人有馬者三取其二民馬悉入官辛酉封楊邦憲  
妻田氏永安郡夫人領播州安撫事秋七月巳巳立營田總管  
府嚴江南官田之爲強豪所據者復尚醞監隸光祿寺置中尚  
監庚午徙江淮行省于揚州立洪澤南北三屯于淮南路之白  
水塘黃家曠壬午總制院使桑哥具省臣姓名上奏丞相允吉  
刺帶平璋阿必失合忽都魯一時皆罷癸巳定省院臺部官屬  
中書省除中書令外左右丞相二員平章政事二員左右丞各  
一員叅知政事二員行中書省除罷置丞相外平章政事二員  
左右丞各一員叅知政事僉行省事並二員樞密院除樞密使  
外同知院事一員樞密院副使僉樞密院事並二員院判一員  
御史臺御史大夫一員中丞侍御史治書侍御史並二員行臺

同內臺六部尚書侍郎郎中員外郎各二員其餘並聽省臣酌  
汰詔諭中外曰惟我祖宗肇造區夏雖中書已嘗建立而官制  
未暇舉行迨朕圖大以宅中思欲繼志而述事集儒臣之公議  
法前代之鴻章爰立省部院臺以正朝廷綱紀自疆土極照臨  
之遠致省臺有內外之分日益月增官冗人濫常敕有司澄汰  
意必舊制遵承比聞近侍之言謂益曩時之弊彼不勝重任有  
壅上聞苟尚蹈匪彝時惟予咎其清冗職用復前規於戲官不  
必備惟其人恪守已成之憲爾尚克勤士乃事永肩圖報之心  
見典章八月己亥罷淮東宣慰司以黃蘄壽昌隸湖廣行省安慶  
六安光州隸淮西宣慰司乙卯太白犯軒轅右角罷德平定昌  
二路置德昌軍民總管府九月乙丑朔海外諸番曰馬八兒曰  
須門那曰僧急里曰南無力曰馬蘭丹曰那旺曰丁呵兒曰來  
來曰忽闌亦斛曰蘇木都刺凡十國各遣子弟來朝甲申太陰  
犯天關冬十月甲午朔太白犯右執法徙湖西按察司治杭州  
戊戌太陰犯建星壬寅太白犯左執法辛亥太陰犯東井河決  
開封祥符十五處調民夫二十餘萬分築隄防甲寅太白犯進  
賢壬戌徙甘州戊午屯田亦里黑之地馬法國進鞍勒龜甲十  
一月乙丑以張瑄朱清並爲海道運糧萬戶免徵覆舟糧戊辰  
太白犯亢巳卯太陰犯井辛巳歲星犯壘壁陣禁禽獸孕時毋  
畋獵十二月戊戌太白犯東咸丙午罷大有署丁未太陰犯井  
丁巳犯氏戊午詔諸路分置六道勸農司宣慰司在內地者設  
官四員江南者六員是歲大司農上諸路學校凡二萬一百六  
十六所植桑棗雜樹二千三百九萬四千六百餘株蘇湖饑賑  
米二十萬石

二十四年丁亥春正月乙丑俱藍國遣使來朝甲戌太陰犯東  
井乙酉犯房丁亥復改江浙省為江淮行省辛卯立上林署二  
月庚子太陰犯天關辛丑犯東井以麥木丁平章政事范文虎  
為中書右丞商議樞密院事戊午敕諸王闈里鐵木兒節制諸  
軍乃顏遣使徵東道兵諭闈里鐵木兒毋輒發閏月癸亥太陰  
犯辰星定春秋二仲上丙日祀平陽堯帝祠乙丑復分立尚書  
省以總制院使桑哥及鐵木兒並平章政事阿魯渾薩理為右  
丞葉李為左丞馬紹忻都並祭知政事惟行省事與中書共議  
餘聽尚書省從便奏請辛未定國子監祭酒一員司業二員擇  
素有德望者居之建國子學設博士二員助教四員生員百二  
十人蒙古漢人各半仍隸集賢院綱目云初太宗設總教國子  
酒而待出子弟就學者僅十餘人衡去教益廢且學舍木建師  
生寓居民屋至是始設監官建國學以仰律有尚為祭酒曾廣  
弟子員 通考云令江南諸路縣學內各立小學選老成之士  
教之其他先儒過化之地並立書院凡師儒之命于朝者曰教  
授命于禮部及行省宜慰者曰學正學錄教諭山長路設教授  
學正學錄各一員散府中上州設教授下州設學正縣設教諭  
書院設山長各一員設各省儒學提舉二員統諸路府州縣學甲中太陰  
長各一員犯牽牛乙酉改淄萊路為般陽路罷江南竹木柴薪魚牙諸稅  
復改各省為行尚書省六部為尚書六部庚寅法司以諸路罪  
囚過多請遣官分道行刑帝曰囚非群羊豈可遽殺耶宜悉配  
隸淘金三月甲午更造至元寶鈔詔曰鈔法之行二十餘載官  
吏奉法不虔以致物重鈔輕公私俱誦此者廷臣奏請謂法弊  
必更古之道也朕思嘉之其造至元寶鈔頒天下中統鈔通行  
如故以至元寶鈔一貫文當中統交鈔五貫文凡錢一千文為  
貫每鈔一張直  
錢千文其法自一貫至  
五十文凡十有一等子母相權官民通用務在祈者無冗舊  
者無廢上不虧國下不損民凡歲賜周乏餉軍皆以中統鈔為

準朕不食言故茲詔示

見典章

丙申太陰犯東井乙卯逢東饑弛

太子河漁禁丙辰降重慶路定遠州為縣命都水監開汝泗水

達京師汴河溢役夫修故堤夏四月癸酉太陰犯氏甲戌犯房

諸王乃顏反五月己亥移濟南宣慰司治益都燕南按察司治

大名南京按察司治南陽太原按察司治西京壬寅戶工兩部

各增尚書二員帝自將征乃顏發上都括江南僧道馬以軍行

免北京今歲絲銀經過郡邑各賑鈔六月庚申朔百官獻馬給

衛士壬戌帝至撒兒都魯之地乃顏黨金家奴塔不歹率所部

逼行在而陣遣前軍敗之壬申帝駐蹕于大和幹魯脫之地獲

乃顏輜重千餘秋七月癸巳乃顏敗走追執之其黨悉平丁酉

弘州匠官以犬兔毛製如西錦者以獻授匠官知弘州戊戌太

陰犯南斗辛丑犯牽牛壬寅熒惑犯輿鬼庚戌雲南金齒渠長

打奔等兄弟內附壬子太陰犯司怪癸丑日暈連環白虹貫之

罷乃顏分地所署官移北京道按察司治蒙州以河西瓜沙等

州立關驛屯田八月癸亥太白犯亢乙丑車駕還上都置江南

四省交鈔提舉司己巳滿從叛諸王軍前自効浚亦集乃路河

渠丙子填星犯蠱壁陣己卯太陰犯天關辛巳犯東井甲申太

白犯房丁亥立豐贍昌國濟民三署女人國貢海人九月丁酉

熒惑犯長垣庚子太白犯天江乙巳太陰犯畢戊申咸平懿州

北京以乃顏叛民廢耕作告饑賑糧五萬石辛亥熒惑犯太微

西垣上將壬子太白犯南斗冬十月戊午朔日食壬戌太陰犯

牽牛大星丙子桑哥檢覈中書錢穀矯殺叅知政事郭佑楊居

寬乙酉羅北甸土官火者阿禾及維摩合刺孫之子並內附是

夜熒惑犯左執法十一月壬辰太白犯蠱壁陣月暈金上二星

命桑哥為尚書右丞相兼統制院使領功德使司事阿魯渾薩  
 理平章政事葉李轉右丞馬紹為左丞丙申焚惑犯太微東垣  
 上相戊戌調新附軍屯田合迷玉速曲之地庚子太白晝見辛  
 丑改衛尉院為太僕寺隸宣徽院元制收地東越耽羅北踰火  
 里禿麻西至甘肅南暨雲南  
 凡十四處自上都大都以至玉你伯牙折連怯朶兒周迴萬里  
 自冬至夏隨地行逐水草十月各還本地歲遣官閱視見在數  
 目造冊奏聞自中統四年設群丙辰焚惑犯進賢十二月定告  
 牧所官名數更至是始有定婚  
 病官限期三年以下者敘用五年以下者降一等七年以下者  
 降二等七年以上者不敘地典癸亥立尚乘寺金竹寨主騷驢  
 等以所部百二十五寨內附丙寅太白晝見太陰犯畢丁卯滅  
 揚州歲額米十五萬石以鹽引五十萬道易民糧免浙西魚課  
 發河西甘肅富民往關鄜與漢軍雜居屯棰癸酉諸王薛徹都  
 所駐之地雨土七晝夜半畜盡死以鈔幣綿布雜給之是歲始  
 立行泉府司專掌海運增萬戶府為四遂罷東平河運

二十五年戊子春正月庚寅祭日于司天臺辛卯毀中統鈔板  
 戊戌弛遼陽漁獵禁勿捕天鵝殺鹿羔癸卯海都犯邊命諸王  
 朮伯統兵北征乙巳太陰犯角戊申犯房辛亥省器盒局入諸  
 路金玉人匠總管府癸丑設江南行大司農司及淮東西兩道  
 勸農營田使舉察勤惰歲具有司勸課實蹟為殿最通考云御  
 史大夫完  
 者帖木兒奏江西南諸道行臺于紹興路開設近因道梗湖南北  
 廣東西海北江西福建諸處凡有文書北至南臺風信不便徑  
 中內臺未委事情虛實宜于福建置分臺給印二月壬戌省遼  
 信仰湖南諸道文書由外臺以達內臺從之  
 東海西道按察司入北京江南湖北道按察司入荆南改南京  
 為汴梁路北京為武平路西京為大同路東京為遼陽路中興  
 為寧夏府路以江西茶運司兼權酒醋稅徵葛洪山隱士劉彥  
 深赴京已卯以江西南諸道行臺于紹興路開設近因道梗湖南北  
 廣東西海北江西福建諸處凡有文書北至南臺風信不便徑  
 中內臺未委事情虛實宜于福建置分臺給印二月壬戌省遼  
 信仰湖南諸道文書由外臺以達內臺從之



十石置備驛馬一匹並免雜徭獨戶稅逾七十石願入站者聽  
合戶稅不得過十戶獨戶稅無上百石其使臣供應官爲支給  
毋累站戶辛巳以杭州西湖爲放生池命皇孫雲南王也先鐵  
木兒帥兵鎮大理三月丁亥熒惑犯太微東垣土相戊子太陰  
犯畢庚寅改關遺所爲監巳亥太陰掩角壬寅命會同館倣古  
職貢制繪爲圖俟番使至詢其風俗土產去國里程籍錄以進  
夏四月戊午太陰犯井庚申用桑哥言鈎考應昌和羅所其扈  
從諸臣種地多者依軍站例除四頃外計畝征租癸亥渾河決  
發軍築堤戊辰浚快烈河溉口溫騰兒黃土山民田廣東賊董  
賢舉等七人皆稱大老聚眾剽掠吉贛南韶雄汀諸郡甲戌萬  
安寺成佛像窗壁皆用金爲飾增建直沽海運倉甲申命皇孫  
鐵穆耳行邊討乃顏餘黨削平遼左諸部置東路萬戶府五月  
戊子諸王察合子濶濶帶叛樞密副使土土哈執之以來丙申  
兀馬兒來獻璞玉巳亥遣官分道鈎考中統鈔本升雲南北勝  
施州爲北勝府戊申太白犯畢孟州烏河川雨雹大如拳癸丑  
遷四川省治重慶宣慰司治成都河決汴梁太康通許皆被害  
六月辛酉定各御史任滿驗所言事大小多寡爲升降甲戌太  
白犯井改西南番總管府爲永寧路丁丑太陰犯歲星發兵千  
五百人詣漠北浚井秋七月甲申朔復葺興靈二州倉轉米備  
賑壬辰改會同館爲四賓庫儲待所爲提舉司巳亥熒惑犯氏  
庚子太白犯鬼乙巳太陰掩畢保定路野蠶蠶絲可爲帛八月  
丙辰熒惑犯房巳未太白犯軒轅大星癸酉以河間鹽運司兼  
管順德廣平棊陽三鐵冶庚辰分萬億庫爲寶源賦源綺源廣  
源四庫九月癸未朔熒惑犯天江乙未罷檀州淘金戶諸王篤

哇犯邊庚子太陰犯畢鬼國建都皆遣使來貢營五庫于禁中以貯幣帛癸卯熒惑犯南斗南臺御史中丞劉宣自殺庚戌集賢院新編本草成冬十月庚申從桑哥請置徵理司遣省院臺官十二人理算江淮江西福建四川甘肅安西六省錢穀給兵以衛其行甲子置虎賁司尋改武衛司丙寅置湖廣溪洞蠻獠四總管府統州縣洞百六十所用漢人為達魯花赤雜土人治之丙子敕造鐵羅圈甲及長甲給北征軍遣瀛國公趙鼎學佛于吐番已卯免儒戶雜徭學田所入羨餘收貯集賢院以給多才藝者十一月丁亥以何榮祖察知政事禁有分地之家私役富民為柴米戶及賦外雜徭已亥立桑哥輔政碑甲辰改總制院為宣政院掌釋教遇吐番有事則分院往鎮因唐制吐番來朝見于宣政殿故十二月丁巳海都兵犯邊拔都也孫脫迎擊死之辛酉太陰

犯畢甲子犯井甲戌犯亢熒惑犯壘壁陣丙子也速不花以昔列門叛甘肅行省約諸王八八拜答罕駙馬昌吉合兵討之皆自縛請罪獨昔列門西走追執之歸于京師是歲置醴源倉罷安和署以光祿寺直隸都省升滄州軍營城為滄溟縣大司農上墾地三千五百七十頃積義糧三十一萬五千餘石二十六年己丑春正月丙戌京師地震發兵塞沙陀間鐵烈兒河辛卯行泉府使沙不丁上市舶司歲輸珠四百斤金三千四百兩帝命貯之以待貧者辛丑立武衛親軍都指揮使司掌修治城隍及京師內外工役分侍衛軍萬人隸之是夜太陰犯氏癸卯罷膠萊海道運糧萬戶府循州賊鍾明亮寇嶺南掠寧都據秀嶺與廣東董賢舉台州楊鎮龍柳世英相應戊申徙廣州按察司治韶州以荆南按察司所統遼遠割三路入淮西二路

入江西從壽張尹韓仲暉言開河以通運道起須城縣安山西  
 南由壽張西北至東昌又西北至臨清引汶水達御河二月辛  
 亥朔置延禧崇福二司徒江淮行省治杭州改浙西道宣慰司  
 為淮東道治揚州自泉州至杭州立海站十五專運番籩貢物  
 及商販奇貨丁卯命右丞相伯顏知樞密院事鎮和林統有漠  
 北諸路置知院自此始諸王合丹寇開元已巳立左右翼屯田萬戶府  
 統軍二千于霸州河間耕田甲戌命鞏昌總帥汪惟和將部軍  
 萬人北征三月庚辰朔日食詔亡宋係官田土歸附以來被權  
 豪影占及指熟作荒詭名避役者許自首官從前應收子粒概  
 行免徵仍令佃種見典章立雲南屯田以供軍儲元初用兵遇堅  
 守之海內既一於是內而各衛外而行省皆立屯田以資軍餉  
 苟曠洪澤甘肅瓜沙因昔人之制和林峽西四川則因地之宜  
 而始為之至于雲南入番海南海北雖非屯田之所而以蠻獠  
 便心也又制兵屯旅控扼之由是天下無不可屯之兵無不可  
 耕之地而雲南屯事又與中原不同其詳詳計云甲午太陰犯元乙未新鑄渾天儀

成以黃金為飾癸卯金齒人塞完以其民二十餘萬戶來歸夏  
 四月戊午禁民挾弓矢犯者籍為兵省江淮屯田打捕提舉司

七惟存徐邳海州揚州兩淮淮安高郵昭信安豐鎮巢蕪黃魚  
 網石湫十二所庚午沙河決發民築堤障之甲戌置湖東江東

江西湖廣福建木棉提舉司責民歲輸木棉十萬疋福建叅政

魏天祐執宋江東制置使謝枋得至燕不屈死大方通鑑載枋  
 得致天祐書云

大元制世民物一新宋室遺臣只欠一死其所以不為官者忠臣  
 十三歲之母在耳先妣既已考終某自今無意人間事矣大元

不事二君此天不妄殺一忠臣義士其所以寧為民不為官者忠臣  
 舜下有巢由上有湯武下有隨光其所以効虞人之死而不往  
 學夷齊之死而不仕者正欲使天下後世知大元之量能使謝  
 某不失臣節視死如歸也今蒙叅政拘管道院日勞吏卒監守  
 其憂慮亦大勞矣且問叅政容一謝某聽其為大元之量能使謝  
 元何損殺一謝某成其為大宋忠臣于大元何益特恐前悞大  
 未後悞大元諸公自無面目立于天地耳某母喪未葬只當衰

未後悞大元諸公自無面目立于天地耳某母喪未葬只當衰

紀入君門倘大元有命惟有歷寫江南官吏會歸生靈愁苦之

狀作萬言書獻之一聽進退弁求速死以愧世之為臣不忠者

天祐讓之曰封疆之臣當死封疆安在之敗何不死於得日

嬰公孫杵臼二人皆忠不趙一存孤一死節一死於十五年之

前死於十五年之後皆不失為忠臣蓋棺論定察政豈足以

知此枋得北行在途惟茹蔬果積數月困甚至燕甫四日卒于

館五月庚辰發武衛親軍濟河西務漕渠及口溫腦兒河壬辰

太白犯鬼發大同宣德民築倉於昂兀刺之地丙申以季陽益

都淄萊三萬戶軍久戍廣東疫死者衆令二年一更賊首鍾明

亮率衆降令赴闕江淮省臣逗留不遣丁酉復徙行御史臺于

揚州浙西按察司于蘇州以忻都為尚書省左丞張天祐為中

書省叅知政事己亥設回鶻國子學罷永盈庫以上供幣帛入

太府監辛丑御河溢入會通渠漂東昌民廬收莊浪路隸安西

省省流江縣入渠州青山貓蠻三十三寨丙申六月戊申朔詔

雲南地遠六品以下官許本省選辟

黑豹庚申諸王乃蠻帶敗合丹兵于托吾兒河丙寅海都犯邊

和林宣慰使怯伯起兵應之乃顏餘黨金家奴並入

南爨中下爛土洞四百一十寨四川山齊蠻民四寨相繼來降

立江淮財賦總督府掌所籍米太后貴產隸中宮秋七月戊寅

朔帝親征海都辛巳安山渠成長百五十里建廐三十場名會

通河戊子太白經天辛卯太白犯牛發和林所屯乞兒乞思等

軍北征賦百官家製戰襖乙未太陰犯歲星癸卯沙河溢鐵燈

杆堤決八月辛未歲星晝見癸酉升四川金竹寨為府徙瀾東

道按察司治婺州河東山西道按察司治太原宣慰司治大同

九月戊寅歲星犯井丙戌罷濟州泗汶漕運司乙未太陰犯畢

丙申癸惑犯太微西垣上將冬十月癸丑太陰犯牛宿距星甲

寅癸惑犯右執法乙卯改八番羅甸隸湖廣丙辰禁內外官受

人饋酒食違者籍其家貲之半閏月戊寅車駕還大都庚辰敕  
商販有申統料鈔者聽易至元鈔行用丙戌西南彝生番心桄  
等八族內附鍾明亮復反詔雄諸賊響應江淮省合兵討之獲  
賊首董賢舉丘應祥歸京師丁亥辰星犯房巳丑太陰犯畢熒  
惑犯進賢丙申婺州賊葉萬五寇武義縣庚子取石平泗濱作  
磬以補宮縣之樂辛丑羅斛女人三國遣使來貢十月丙午  
朔漳州賊陳機察丘大老張順等以其黨降命赴闕丁巳改播  
州爲播南路升平恩鎮爲丘縣戊辰太陰犯亢丑二月辛巳括  
天下馬十二品官許乘馬五品三四五品五六品以下皆一  
餘悉拘入官乙酉太白犯南斗命司天臺祭熒惑亥封皇子  
潤淵出爲寧遠王甲午以汪惟能爲征西元帥將所部軍入漠  
北其先戍漠兵母令還翼詔天下梵寺所貯藏經集僧看誦仍  
給所費歲爲例駕幸大聖壽萬安寺置旃檀佛像是歲紹興安  
西甘州大水兩淮雨雹大都路霖雨害稼東平蝗各蠲租減糶  
如例伯顏遣使告邊民饑詔賜網苦取魚自給  
二十七年庚寅春正月庚戌太白犯牛癸丑太陰犯井救從臣  
子弟入國子學乙卯造祀天幄殿丙寅改儲待司爲軍儲所復  
立興文署掌經籍板及江南學田丁卯熒惑犯房巳巳改西南  
番總管府爲永寧路降臨淮府爲盱眙縣二月乙亥朔立全羅  
道萬戶府戊寅太陰犯畢辛巳括河間昔寶赤戶口輟耕錄云昔寶赤鷹  
房之執役者每歲以所養海青獲頭鵝者賞黃金一錠頭癸未  
鵝天鵝也以首得之又重過三十斤且以進御膳故曰頭  
泉州地震丙戌改奉先縣爲房山巳丑賊首鍾明亮復降詔械  
致闕下庚寅太陰犯亢辛卯發虎賁更休士赴上都修城乙未  
改雲南蒙憐蒙萊二甸俱爲路羅羅斯貢雨璫三月壬子熒惑


犯鉤鈐已未放福建獵戶沙魚皮戶爲民發雲州民夫鑿銀洞  
庚申罷行司農司及各道勸農營田司增按察司僉事二員總  
勸農事徙四川省仍治成都立江南營田提舉司掌僧寺貲產  
置金竹府大監等四十二砦蠻獫長官甲子楊震龍餘衆掠浙  
東討賊者多俘良民收行臺揀放夏四月癸酉朔發六衛漢軍  
萬人伐木修城丙子太陰犯井壬辰癸感守氏十餘日遣使詣  
馬八兒國訪求方伎士五月戊申鍾明亮復叛寇贛州戊午罷  
江西行院移省治吉州罷奉宸庫復立安和署乙丑太陰犯填  
星巳巳立雲南行御史臺及銀場官庚午括天下陰陽戶口仍  
立各路教官有精于藝者歲貢各一人六月壬申朔升閬鹽州  
爲柏興府降普樂州爲閬鹽縣金州爲金縣河溢太康沒民田  
三十一萬餘畝免其租甲戌桑州總管黃布蓬那州長羅光寨  
安鄆州長閉光過率蠻民萬餘戶內附丙子繕寫金字藏經成  
凡糜金三千二百餘兩巳丑癸感犯房丁酉定宗實錄成秋七  
月丙午禁平地忙安倉釀酒犯者死癸丑江淮平章沙不丁言  
倉庫官侵盜公帑請依宋法黥而斷其腕帝曰此回鶻法也不  
允戊午貴州猶蠻作亂初順元路免大都歲賦絲及酒醋課辛  
酉癸感犯天江丙寅雲南闊力白衣甸渠長內附八月辛未朔  
日食併廣東道真陽浚光二縣爲英德州丁亥復徙川南道置  
慰司于重慶癸巳地大震武平地陷黑沙水涌出壓溺死者七  
千二百餘人壤民居無算遣平章鐵木兒往視九月癸卯歲星  
犯鬼乙巳禁諸王遣僧建寺擾民諸王闊里鐵木兒與合丹驍  
于瓦法大破之丁未御河決高唐沒民田命有司塞之戊申鐵  
木兒至武平以便宜蠲租賦罷商稅弛酒禁斬爲盜者轉海運

米萬石贖之金竹知府搔驢招降竹古弄古魯花等三十餘寨  
 詔立縣設長官總把參用土人丁卯命江淮省鈎考行教坊司  
 所總江南樂工租賦通考云和羅西京禪其價每十兩已上增一兩冬十月壬申封皇  
 孫甘麻刺為梁王出鎮雲南丁丑江陰寧國大水民流移者四  
 十五萬戶尚書省入告帝曰此亦何待上聞當速賑之凡出粟  
 五十八萬二千餘石辛巳太白犯斗乙酉梁洞梁宮朝吳曲洞  
 吳湯暖等二十族內附己丑新作太廟登歌宮縣樂罷昔寶赤  
 歲取鸕鷀于成都十一月戊申太陰掩填星詔湖東盜賊竊發  
 復立三萬戶一戍沿海一戍溫處一戍紹興婺州其揚州建康  
 鎮江三城雄跨大江置七萬戶杭州庫藏所在置四萬戶并瀕  
 海要害處各增戰船分兵演習水戰庚戌罷雲南會川路采碧  
 甸子辛酉太陰掩左執法壬戌太宗實錄成癸亥河決祥符義  
 唐灣陳穎三州皆被患甲子徙河北河南道按察司治許州乙  
 丑易水溢漂沒雄莫任丘新安田廬命有司築堤障之丁卯降  
 南雄州為保昌縣韶州為曲江縣十二月戊寅免大都平灤保  
 定河間歷年逋租十三萬五百餘石辛卯太陰犯亢乙未摘蒙  
 古軍萬人戍雙城及婆婆府以防合丹兵己亥降溧陽路為縣  
 湖廣省上宣課珠九萬五百一十五兩青田賊劉甲乙集眾萬  
 人寇溫州是歲河北十七郡蝗江西霖雨瀕河水溢各蠲賑如  
 例發粟六萬二千石賑通州河西務流民  
 立十八年辛卯春正月壬寅太白熒惑填星聚于奎癸卯僉民  
 運米十萬石致上都糶賑丁巳遣貴山赤四百人北征辛酉罷  
 江淮漕運司專事海運升安慶府為路降無為和州二路及六  
 安軍為州巢州及懷遠軍為縣免江淮積逋糧三百一十萬六

續資治通鑑長編 卷三 世祖二

千餘石鈔千一百五十錠絲綿六千八百餘斤壬戌桑哥以罪  
 罷二月辛未徙萬億庫金銀入禁中富寧庫癸酉改福建行省  
 為宣慰司隸江西詔行臺勿聽行省節度丙子罷徵理司丁丑  
 命完澤為尚書右丞相不忽木平章政事己卯立雲南金齒曲  
 靖二宣慰司管軍萬戶府辛巳以桑哥沮抑臺綱數筆撻御史  
 命省臺官論定其罪帝曰桑哥為惡始終四年臺臣豈不知之  
 知而不言當得何罪待御史杜思敬曰奪官追俸惟上所裁遂  
 罷臺臣之久任者癸未太陰犯左執法甲申太白犯昴乙酉立  
 江淮湖廣江西四川行樞密院江淮治建康湖廣治鄂州江西  
 治贛州四川治成都丙戌改提刑按察司為肅政廉訪司每道  
 仍設官八員副使以下各分臨所部典章云不得苛細生事暗  
 于大體違者罰同不職  
 以何榮祖為尚書右丞賀勝叅知政事丁亥建周廬于宮城南

分居宿衛士癸巳踏桑哥輔政碑籍其家三月己亥湖加嶽瀆  
 四海封號詔曰朕惟名山大川國之秩祀今嶽瀆四海皆在封  
 宇之內民物阜康時惟神庥而封號未加無以昭答景貺可加  
 上東嶽齊天大生仁聖帝南嶽司天大化昭聖帝西嶽金天大  
 利順聖帝北嶽安天大貞聖帝中嶽中天大寧崇聖帝江瀆  
 廣源順濟王河瀆靈源弘濟王淮瀆長源博濟王濟瀆清源善  
 濟王東海廣德靈會王南海廣利靈孚王西海廣潤靈通王北  
 海廣澤靈祐王仍各遣官詣祠致告以稱朕敬恭神明之意見  
 典  
 丁未太陰犯御女己酉犯右執法庚戌犯太微東垣上相乙  
 卯太白犯五車辛酉建紫壇殿壬戌南丹州莫國麟入覲授安  
 撫使禁江淮富家賄充府縣卒史隱庇差賦累及貧民夏四月  
 甲戌以地震故免武平今歲籍役乙未歲星犯輿鬼上都饑斗





米銀四兩禁宰牝羊弛杭州西湖魚禁五月戊戌以廉希恕  
 為湖廣右丞陳仲達不顏于思王信並同知海北海南道事將  
 兵征黎蠻立左右兩江宣慰司都元帥府壬寅太陰犯少民辛  
 亥罷大都燒鈔庫及江南歲輸木棉下桑哥于獄誅其妻黨湖  
 廣平章要束木燕南宣慰司八吉由癸丑罷尚書省政事悉由  
 中書甲寅太陰犯牛丁巳建白槍二各高丈三尺以居咒師朶  
 四的性吉等七人右丞何榮祖進所撰至元新格帝命錢版頒  
 行已未以門答古復為御史大夫行御史臺事通考云以至元  
 諸差稅皆司縣正官監視人吏置局均科出給由帖俾民  
 通曉諸夫役皆為官差後貧弱貧高等者先多丁後少丁六月  
 丁卯朔立黃平元帥府改隸播州乙酉洗國王洞主市備什王  
 弟回來朝辛卯太陰犯畢拘汴梁逃人男女配偶成家給農具  
 耕種禁蒙古人往回鶻地為商秋七月丙申朔置建都金冶令

旁近民煉金輸官已亥太白犯井戊申罷江南諸省買銀提舉  
 司招集亡宋涅手軍得八萬三千人立萬戶千百戶領之丁巳  
 桑哥伏誅其弟鞏昌宣慰使答麻刺答思懼罪自殺募民耕江  
 南曠土戶不過五頃官授之券為永業己未降江陰路為州宜  
 興府為縣分華亭之上海為縣壬戌弛畿內秋耕禁八月乙丑  
 朔平陽地震壞民舍萬八百二十六區丙寅太白犯輿鬼己巳  
 罷江西行泉府司大都甲匠總管府廣州人匠提舉司丙子太  
 陰犯牽牛癸未歲星犯軒轅大星戊子太白犯軒轅大星及歲  
 星遣使詣雲南捕黑虎吼喃番邦進金書寶塔及黑獅子癸巳  
 太陰掩熒惑命工部造飛車九月辛丑立行宣政院治杭州庚  
 戌太白犯右執法丙辰熒惑犯左執法戊午太白犯熒惑辛酉  
 歲星犯少民命尚衣局織無縫衣通考云詔路府州縣除達魯  
 花赤外長官並選用漢人佐

貳官色目 漢人參用 冬十月乙丑朔羅解國王上金表貢黃金象齒丹頂

鶴五色鸚鵡翠毛犀角篤縛龍腦等物癸未罷各省行樞密院

入行省丙戌太陰犯軒轅大星并御女丁亥洞蠻爛土立定雲

府升陳蒙洞及合江俱為州中書省定蠻洞歲進馬五十及雨

羶佩刀丹砂雌雄黃諸物率去歲一上帝曰從其所為勿加過

督巳丑太陰犯太微東垣上相癸巳免衛輝種仙茅戶徭役十

一月甲辰太白犯房丙午熒惑犯亢丁未太陰犯畢甲寅犯歲

星乙卯新添葛蠻洞官阿汾青貴來貢立葛蠻軍民安撫司戊

午金齒國遣阿腮入覲庚申熒惑犯氐辛酉徵太子贊善劉因

不起增置望雲銀冶十二月乙丑籍探馬赤六萬戶成丁者為

兵宋全太后瀛國公母子已為僧尼有地三百六十頃詔免其

租壬申立河南江北行省治汴梁甲戌罷諸路鈎考錢穀取歷

年逋負文牘置一室非上命而竊視者加罪庚辰太陰犯御女

改江淮行省為江浙行省治杭州癸未太陰犯太微東垣上相

八番洞官吳金叔等以部民二萬有奇內附巳丑熒惑犯房庚

寅犯鈎鈴改營田提舉司為規運提點所辛卯詔釋天下囚非

殺人者戶部上天下戶數內郡一百九十九萬九千四百四十

四江淮四川一千一百四十三萬八百七十八游食者四十二

萬九千一百一十八宣政院上天下寺宇四萬二千三百一十

八區僧尼二十一萬三千一百四十八人通考云詔頒農桑雜

一社擇高年曉農事者為長教督農民凡種田者立碑櫛于田

則書某社某人于上社長以時勸戒不率者籍其姓名以授提

點官大書所犯于門候改過除之不改則罰其代充本社夫役

又每丁課種棗二十本雜果十本土性不宜者種榆柳如數各

社多種首蓄以防饑近水之家許鑿池養魚牧鵝鴨蒔蓮藕菱

芡蒲葦以助衣食荒閒之地悉以付民每年十月令州縣正官

巡視

實公府錄

二十九年壬辰春正月甲午朔日食左右有珥上有抱氣免朝  
 賀巳亥復置都水監以郭守敬兼領監事遣官分視黃河堤堰  
 庚子改八番羅甸為普定府隸雲南罷福建銀錢提舉司禁商  
 賈私以金銀航海甲辰詔江南學田歲入聽其自掌春秋釋奠  
 外以廩師生之無告者貢士莊田仍令核數入官丙午罷河南  
 宣慰司以汴梁襄陽河南南陽歸德隸河南省復割湖廣之德  
 安漢陽信陽隸荆湖北道斬黃隸淮西道并淮東道三宣慰司  
 咸隸河南省其荆湖北道舊領辰沅澧靖歸常德者直隸湖廣  
 省戊申太陰犯歲星及軒轅奎角巳酉罷四賓庫仍置會同館  
 立織造段疋提舉司改陳蒙爛土軍民安撫司隸八番都元帥  
 以上人為使二月甲子朔金竹蠻長貢馬羶各二十七詔減所  
 部貢馬賜新附黑蠻衣襖遣回命進所產丹砂雄黃之精者已

巳除問刑官鞭背法太陰犯畢庚午桑州生貓羅甸國古州等  
 峒蠻籍所部民十一萬九千三百餘戶來獻乙亥立總管高麗  
 女真漢軍萬戶府巳丑歲星犯軒轅大星遣諸王之從逆者于  
 各邊俾從軍自効三月丁未治桑哥黨納速刺丁滅里忻都王  
 巨濟皆伏誅命省臺定賊罪十三等枉法者五自一貫至十貫  
 笞四十七起至百貫以上笞一百七不枉法者八自一貫至二  
 十貫笞四十七起至三百貫以上笞一百七罪入死者以聞元制  
笞杖俱以七為計巳酉以鐵哥平章政事阿里為右丞梁德珪  
蓋每十減為七也參知政事併亦奚不薛及八番羅甸二宣慰司都元帥府為一  
 仍令亦奚不薛隸湖廣羅甸還隸雲南夏四月丙子太陰犯氏  
 巳卯弛甘肅太原酒禁仍權醋辛卯設雲南諸路學校其教官  
 以蜀士充之五月丁未詔雪楊居寬郭佑寬給還家產改思州

安撫司為軍民宣撫司隸湖廣罷東平路河道提舉司入都水

監六月戊辰詔聽僧食鹽不輸課壬申餞旗城後察昔折乙烈

率部曲三千餘戶來附甲戌置司籍庫以儲物之籍人者壬午

以瓊州新附洞寨置會同定安二縣己丑太白犯歲星典章云

軍人立社禁採生祭鬼及製造異樣器物許蒙古閏月辛卯朔罷福建歲造象齒鑿帶戊申

癸惑犯狗國辛亥廣西上思州土官黃勝許陷忠州遣程鵬飛

將兵擊之勝許敗走入交阯甲寅右江岑從毅降以其子斗榮

襲鎮安路總管廣南副使賽甫丁以風聞三十餘事詎告省官

帝惡其傷政體捕惡黨下吏如法秋七月庚申朔遣使檢覈竄

名鷹房受糧者辛未太陰犯牛庚辰定雲南福建兩廣州縣官

聽省臺銓選具姓名上聞給授宣敕八月丁酉辰星犯右執法

己亥太白犯房乙巳歲星犯右執法丙午用郭守敬言浚通州

至大都漕河役軍匠二萬人又鑿六渠灌昌平諸水戊午福建

叅政魏天祐私發民夫鍊銀坐贓逮治救廉訪司在燕南者還

治真定河南者還治汴梁九月丁卯茆薤十圍安化光蘭州洞

蠻內附即其地立定遠府設官如例癸酉廢新得州置通江縣

復漢州綿竹縣徙瓜沙二州民于甘肅畫地使耕寧夏半藝紅

花詔令盡種穀麥辛巳太白犯南斗罷雲南行臺徙置西川設

雲南廉訪司丁亥置烏思藏納里速古兒孫等三路宣慰司冬

十月戊子朔召福建廉訪知事張師道赴闕授翰林直學士庚

寅浚浙西河道導水入海癸巳詔歲終各行省詣闕奏事令行

臺同赴面奏一歲舉刺之數丙申四川洞蠻向思聰等來朝信

合納帖音國遣使入覲廣東進暹國所上金冊乙巳太陰犯井

丁未犯鬼癸丑罷懷孟竹課乙卯太陰犯氏諸王明里鐵木兒

續通志卷三

附海都叛詔伯顏討之率眾來降十一月詔父子嗣續人倫大本同宗繼紹氣脉感通非我族類神不欲享凡有撫養諸弟從孫為子及螟蛉他姓者並行禁治老人年八十以上者准免一子徭役俾得侍養見典章壬戌太陰犯壘壁陣巳卯犯太微東垣上相癸未命關津議察姦宄丙戌提省溪錦州銅人諸洞渠長楊秀胡木忽魯甸土官阿魯等入覲十二月庚寅改封皇孫梁王甘麻刺為晉王鎮北邊立金齒木來府癸巳罷福建及寧國路銀冶庚子太陰犯井甲辰犯太微西垣上將勅都水監修治保定沙塘河堤堰是歲真定河間益都各屬州縣蟲食桑盡無蠶兩浙饑免民租一百二十五萬七千餘石

三十年癸巳春正月壬戌遣使招諭漆頭金齒蠻丙寅太陰犯畢諸汰冗員省內外官府二百五十五所計六百六十九員丁卯罷雲南延慶司遙授洛波卜見二蠻長為知州捏怯烈女真數百人以漁自給帝曰與其勤于水曷若力于田其給牛具令屯耕以食庚午驗洞蠻長楊總國等來朝甲戌升蔡州為散府分和林漢軍屯田杭海罷諸路魚鹽局丙子西番一甸蠻長三人來覲各授蠻彝軍民官丁丑太陰犯氏庚辰歲星犯左執法丞相安童卒新置社稷壇成高五丈方廣如之社東稷西社用白石為主飾以五方色土稷不用主四周皆黃土壇南各植松一株北墉瘞坎墮垣悉倣古制別為齋廬門廡三十三楹二月巳丑減江浙海運米四十萬石免大都公賦壬辰太陰犯畢丙申却江淮福建所進鷹鵠仍禁軍官無從禽擾民丁酉回鶻獻答納珠邀價數萬帝曰珠何為哉當留是錢以贖貧者發海運米十萬石給遼陽戍兵乙巳熒惑犯天街丁未以新附洞蠻吳

動釐爲潭溪軍民官庚戌太陰犯牛辛亥發總帥汪惟和所部  
軍征土番陝西四川兵征西番復立雲南行御史臺敕江南豪  
右庇匿盜賊爲首者誅餘徙之內地癸丑太白犯壘壁陣三月  
庚申以札散知樞密院事甲子海都入寇括天下馬十萬匹已  
巳立行大司農司辛未太陰犯氏夏四月巳亥定上海澈浦慶  
元廣東泉州市舶司物貨皆三十取一併溫州舶司入慶元杭  
州舶司入稅務通考云凡金銀銅鐵男女並不許私販入番行  
期詣抽解之所待舶船至先封其堵以次抽分尋又癸丑太白  
犯填星甲寅授光州光龍等十二人邦崖王文顯等二十八人  
金竹馬麟等十六人大龍番禿盧忽等五十四人承順路彭世  
疆等九十人安化州吳再榮等十三人師壁散毛洞勾答什王  
等四人各爲蠻彝官賜璽書遣歸毀江南諸道觀聖祖天尊祠

五月丙辰朔定雲洞蠻來附丙寅浙西大水令富民募人疏決  
水道辛未定僧寺邸舍並收商稅丁丑散上都工匠三千戶俾  
就食大都六月丙戌選河西質子軍赴皇孫阿難答所出征已  
丑歲星犯左執法庚寅以雲南且當仍屬西番宣慰司改淮西  
蘄黃等路隸河南江北行省丙申太陰犯斗乙巳以皇太子寶  
授皇孫鐵穆耳總兵北邊召丞相伯顏還巳酉濬太湖秋七月  
巳未免福建歲輸皮貨及泉州織作紵絲甲子太陰犯建星壬  
申命月赤察兒知樞密院事丁丑新開通州漕河成賜名通惠  
河以只兒合忽所汰乞兒吉思戶屯田合思合之地辛巳太陰  
犯鬼八月丙戌括所在荒田令放良漏籍等戶屯種甲午辰星  
犯太微西垣上將甲辰太陰犯畢丁未立鎮守黎蠻海北海南  
屯田萬戶府戊申太陰犯鬼九月癸丑朔立海北海南博易提

舉司稅如市舶例丁卯太陰犯畢出御史臺贓罰鈔五萬錠給  
衛士之貧者冬十月癸未朔皇太子禘于太廟戊子修汴梁堤  
已丑遣兵部侍郎忽魯禿花等使閣藍可兒納答信合納帖音  
三國仍賜信合納帖音渠長三珠虎符庚寅彗星入紫微垣抵  
斗魁光芒尺許凡一月乃滅丙申熒惑犯亢巳亥太陰犯天關  
辛丑犯井甲辰詔赦天下庚戌造象蹄掌甲辛亥禁江南州郡  
乞養良家子轉相販鬻及強將平民略賣者十一月壬子朔立  
海北海南道肅政廉訪司治雷州庚申以金齒木朶甸戶口增  
立下路總管府給其長雙珠虎符乙丑太陰犯畢丁卯犯井庚  
午犯鬼丙子熒惑犯鉤鈴戊寅歲星犯亢免江南都作院軍匠  
出征巳卯召河南行省平章伯顏入中書省平章政事十二月  
壬辰以張九思爲左丞乙未太陰犯井是歲天下路一百六十  
九府四十三州三百九十八縣二千六百六十五宣撫司十五安  
撫司一寨十一鎮撫所一堡一各甸部管軍民官七十三長官  
司五十一錄事司百三巡院三官府大小二千七百三十三處  
真定深州靜安大水登州大興蝗易州雨雹如雞卵各蠲賑有  
差通考云改江南茶法每茶商貨茶必令賣計其外  
又有茶由以給賣零茶者每山茶九斤收鈔一兩  
二十一年甲午春正月壬子朔帝不豫免朝賀知樞密院伯顏  
至自軍中庚午帝大漸癸酉崩于紫壇殿在位三十五年壽八  
十乙亥葬起輦谷夏五月戊午上尊諡曰聖德神功文武皇帝  
廟號世祖國語曰薛禪皇帝

之明曰遂闢雄圖混一中外德威所指無遠弗届建號立制  
垂模一代崇儒察奸旋用旋敗英明克斷用無祇悔


衛一升崇壽容仗欽以欽想英即波瀾以無知神  
 已一即自滋開禁圖試一中小滋想以昔無茲也派我邊立歸  
 德德州國精日精職皇帝三其虎行庚寅其  
 十一之養味維谷夏正且又平上教編日聖德撫以文九皇帝  
 至月軍中退平帝入漸癸酉歲下紫聯舉海山三十五節新入  
 三十一平甲治谷五且下午順帝不第與時贊以琳密到自隨  
 義又亦茶由以命實茶芥鏡山茶式以列  
 真家采以精安火水登限大興舉是依兩邊取撥娘各臨觀育  
 所五十一絲再所百三滋烈三官徵大小二千小百三十三與  
 無所一乘十一總無似一坐一香何濟管軍另官小十二是育  
 式概四十三概三百六十八總千一百六十五宣繼后十五安

續弘簡錄元史類編卷之四

皇清詹事府少詹事仁和邵遠平戒山學

天王二

成宗皇帝諱鐵穆耳世祖之孫太子真金第三子母曰弘吉刺  
 氏以至元二年九月庚子生帝二十二年太子薨二十五年世  
 祖命帝討叛王合丹削平遼左諸部三十年受皇太子寶撫軍  
 北邊明年甲午春正月世祖崩諸王大臣遣使計軍中夏四月  
 壬午帝至上都左右部諸王畢會先是御史中丞崔彧得玉璽  
 于故高之家監察御史楊桓辨其文曰受命于天既壽永昌上  
 之帝母元妃群臣咸曰神寶之出實當宮車晏駕之後此天意  
 屬于皇太孫也至是手授帝甲午帝即位百官朝于大安閣詔  
 曰朕惟太祖聖武皇帝受天明命肇造區夏列聖相承光熙前





緒追我先皇帝體元居正以來文物典章大備臨御三十五年  
薄海內外罔不臣屬宏規遠畧厚澤深仁有以衍皇元萬世無  
疆之祚我昭考早正儲位德盛功隆天不假年四海缺望顧惟  
眇質仰荷先皇殊眷往歲之夏親授皇太子寶付以撫軍之任  
今春宮車遠馭奄棄臣民乃有宗藩昆弟之賢戚畹官僚之舊  
謂祖訓不可以違神器不可以曠體承先帝夙昔付託之意合  
辭推戴情切意堅朕勉徇所請于四月日即皇帝位可大赦天  
下尚念先朝庶政悉有成規惟慎奉行罔敢失墜更賴宗親勳  
戚左右忠良各盡乃誠以輔台德按元文類作王構撰張伯淳養蒙集亦載之追尊  
皇考曰皇帝尊母元妃曰皇太后庚子遣攝太尉兀都帶為大  
行皇帝請諡于南郊志作甲辰日事此告天請諡之始定諸王駙馬賜與依往  
年大會例賜金一者加四為五銀一者加二為三戊申太白晝

見已酉雲南行省以所定路府州縣來上上路二下路十一下  
州四十九中縣一下縣五十授金齒土官阿魯為孟定路總管  
五月庚戌朔太白犯輿鬼壬子祭太陽太歲火土等星于司天  
臺紫微星于雲僊臺戊午上大行皇帝尊諡冊曰繼志述事非  
盡孝無以致其誠表行諫功非定諡無以稱其實肆邦彝之具  
舉維天道之協從欽惟先皇帝膺錄受圖體元立統蚤從藩邸  
茂著徽稱為治之基有常經國之畧則遠役用衆智獨斷于衷  
總攬萬幾如指諸掌內朝廷外侯牧等威迭降罔不適中先教  
化後刑名本末相循悉皆有序在御追踰于三紀推尊合冠于  
百王若夫惠及困窮恩加降附慎終如始無非好生之心保小  
以仁特示包荒之量擴盛猷之鴻鬯沛膏澤之醇醲方其泰運  
漸亨戢濟多難離綱復繆混一四方傳檄而氛稜開渙號而方



維定乾旋坤轉不足喻其機雷厲風飛不足比其捷至于嘉言  
博采惟典謨訓誥是師諸藝畢延盡陰陽圖緯之學考音律以  
創字畫參古今以制禮儀振耀威靈肅陳兵衛白旄黃鉞時則  
親巡犀甲雕弧止于不用聖德弗可及已神功茂以尚焉蓋文  
之所加者深武之所服者大是用升崇吉祔揆十剛辰謹奉冊  
寶上尊諡曰聖德神功文武皇帝廟號世祖伏惟睿靈俯垂昭  
鑒思皇多祐申錫無疆見元文類王構撰并上世祖后尊諡曰昭睿順  
聖皇后又上皇考尊諡冊曰周武膺符首建文王之號晉武踐  
祚遂正文考之稱比擬未必盡同追崇蓋有藝典顧惟寡昧嗣  
續基圖天付有家動欲繩其祖武考若作室今曷致其孝思欽  
惟皇考皇帝元德溫恭聖功果育顯諸神而藏川膏其施而未  
光當夫預國政親軍旅之時無非審治體得民情之事弭兵日  
本廣先皇柔遠之仁立教天庠示聖代崇儒之意身衛斯文于  
不朽人被其惠而莫知誠以鋤奸去惡而爲明匪徒視膳問安  
之爲孝乃有其德而無其位獨豐于功而嗇于年感十載霜露  
之懷永言維則紹一統乾坤之業有開必先思貽令名允爲首  
議謹奉冊寶上尊諡曰文惠明孝皇帝廟號裕宗有嚴吉享用  
薦徽稱伏惟神靈歆其昭格見養蒙集張伯淳撰四川散毛洞主單順來  
貢升其洞爲府已巳改皇太后所居舊太子府爲隆福宮詹事  
院爲徽政院乙亥命札散知樞密院事加御史大夫月兒魯太  
師知樞密院伯顏太傅樞密副使月赤察兒太保戊寅立捕鹽  
人賞格六月庚辰朔日食庚寅減雲南歲貢馬復以鐵木兒平  
章政事甘肅饑禁釀酒乙未以加上尊諡詔天下免所在本年  
包銀俸鈔及內郡地稅江淮以南夏稅之半已亥封乳母楊氏

為趙國安翼夫人何氏為冀國夫人辛丑禮宋使家鉉翁遣還  
家鉉翁充祈請使至燕安置河間甲辰詔脩世祖實錄丙午太

陰犯井秋七月己未立保定路之博野泰安州之新秦平陽路

之武鄉芮城陵川蒲縣改侍衛都指揮使為隆福宮左右都威

衛使壬戌詔中外崇奉孔子按寧獻王所著通鑑博論于至元

中國道藏關儒道二教為外學貶孔子為中賢尊桑門為正道

及考元史止于是年焚燬道書而不見所謂貶孔子之實惟成

宗即位即詔崇奉孔子則當時或有施戊辰罷肇州宣慰司入

遼東道減八番等處所設官二百一十六員按入番新附時稱

百二十四員及遣官覈實止癸酉以不忽木段貞並平章政事

十六萬五千餘戶故減其半詔諭暹國王敢木丁來朝或有故則令其子弟及陪臣入質命

太師月兒魯將兵守北邊八月庚辰太白晝見戊子初祀社稷

用堂上樂歲以為常己丑遣范文虎監浚通惠河立新河運糧

千戶所戊申太陰犯畢太白犯軒轅九月丁巳太白經天丙寅

太陰掩填星辛未犯軒轅乙亥犯平道遣禿古鐵木爾等使閣

藍冬十月辛巳詔凡蠲免田租令佃戶應輸田者亦如所蠲

之數毋得私收壬午太白犯左執法癸巳太陰掩填星乙未犯

井金齒孟愛何渠長遣子來朝即其地立軍民總管府辛丑詔

京畿糧儲充足歲海運米百萬石者今減十之七帝諭省臣曰

中書職務卿等皆懷怠心又不約束吏曹使選人淹滯桑哥雖

姦邪然僚屬憚其威政事無不立決卿等其約束曹屬有不事

事者笞之乙巳遣南巫里速木荅刺繼沒刺孛毯陽使者各還

國初征瓜哇時嘗招瀕海南巫里等國遣人來十一月丁未朔

附以禁商泛海留京師至是弛海禁始遣還帝朝皇太后于隆福宮上玉冊玉寶己酉太陰犯亢壬子罷江

淮湖廣江西行樞密院併入行省庚申太陰犯畢令河西僧人

依舊助役毀宣政院所刻河西藏經板甲子以何瑋參知政事

罷海北海南市舶提舉司立覆實司癸酉太白犯房詔改明年

為元貞元年十二月癸未歲星犯房丁亥犯鈞鈴壬辰太陰犯

鬼庚子犯房又犯歲星用帝師奏釋京師大辟三十人杖以下

者百人賜諸鰥寡貧民鈔二百錠曲靖澂江普安等路爇官各

以方物來貢是月太傅伯顏卒按是歲節氣正月一日壬子立

日癸丑清明四月四日甲申立夏五月五日甲寅芒種六月六

日乙酉小暑七月七日乙卯立秋八月八日乙酉白露九月九

日丙辰寒露十月十日丙戌立冬十一月十一日丁巳大雪十二月十二日丁亥大寒

元貞元年乙未春正月癸丑命只兒合朗為御史大夫乙卯太

陰犯填星及畢壬戌以國忌即大聖壽萬安寺飯僧七萬詔道

家復行金錄科範乙丑以行院既罷仍賜行省長官虎符領其

軍庚午以楊炎龍為中書左丞阿老瓦丁呂天麟並參知政事

壬申立北庭及曲先塔林二都元帥府癸酉歲星犯東咸罷瓜

沙二州屯田二月丁丑翰林學士承旨留夢炎請老厚賜遣之

壬午罷江南茶稅增鈔三千錠入江西歲額典章云令有司勸

摘仍禁放癸未熒惑犯太陰戊子思州田曷刺不花雲南爇卜

木四川洞主查閻王金齒帶梅混冬等來覲壬辰太陰犯平道

癸卯犯歲星勅廉訪司官令省臺同選三月乙巳朔發鈔五萬

錠市馬給貧乏軍庚戌太陰犯填星壬子禁來朝官歛所屬俸

錢戊午罷福建徽州銀場提舉司以東作方殿停諸不急營造

壬戌地震太陰犯房丙寅增置蒙古學正以各道廉訪司領之

夏四月勅上都大都揚州從前撥賜大乾元寺大興教寺大護

國仁王寺酒店湖泊出辦錢物仍聽官收分給毋許僧道私設

人員見典庚寅太陰犯東咸癸巳遣烏撒同知牙那木假兵部

尚書使馬荅兒的陰庚子立衛候掌謁掌儀掌饗諸司及宮正  
內宰隸隆福宮癸卯設各路陰陽教授仍禁陰陽人不得游諸

王駙馬之門

典章云武選陰陽教授占筭三命五星周易六壬數學

閏丁癸丑歲星犯房

甲寅太陰犯平道乙卯犯亢丁巳掩房巳未罷打捕鷹房總管

府及司籍周用薄歛等庫為皇太后建佛寺于五臺山立梭釐

招討司蘭州河清三日上下三百餘里五月庚辰詔各省存儒

學提舉司一其餘悉罷升江南諸縣為州以戶為差戶止四五

萬者為下州五萬以上者為中州下州官五員中州官六員凡

為中州者二十八下州者十五又以連州戶不及額降路為州

辛巳罷行大司農司加麥木丁平章軍國重事何榮祖為昭文

館大學士議中書省事甲申免自今五月以前逋欠錢糧丁亥

太陰犯南斗六月壬子世祖實錄成甲寅元帝兩江宣慰宣

撫二司為廣西兩江道宣慰司都元帥府治靜江仍分司邕州

癸亥立蒙古軍都元帥府于西川徑隸樞密院庚午立西域衛

親軍都指揮使司勅凡上封事者命中書省發視然後上聞秋

七月乙亥准江南地稅輸鈔丁丑太陰犯亢巳卯詔舉中外儒

吏兼通者每道歲貢二人省臺立法考試中程者用之所貢不

公罪舉者定職官坐贓經斷再犯者加本罪三等倉庫官吏盜

所守錢糧一貫以下笞十貫杖二十貫加一等一百二十貫徒

一年每三十貫加半年滿三百貫者死計贓以至元鈔為則

典章云官員因事受財枉法者不叙不枉法者殿罷三年方聽告叙再犯者終身不叙凡遇公私罪犯上司不得擅斷決甲申

歲星犯房八月巳酉太陰犯牛壬子犯壘壁陣巳巳以駙馬那

懷知樞密院事九月乙亥用帝師奏釋大辟三人杖以下四十

七人巳卯運米十萬石于權場故廩以備北塞省寧夏行省入

甘肅甲午太陰犯軒轅戊戌犯平道冬十月癸卯有事于太廟

帝曰親享之禮祖宗未嘗舉行朕將躬祀之命獻官迎導入廟

奉世祖裕宗冊寶納諸各室先祔廟時以綾代玉冊甲寅勅自至是始造成故並納之

今監察御史廉訪使有所按覈州縣官與本路同鞠路官與宣

慰使同鞠宣慰司官與行省同鞠辛酉辰星犯房壬戌犯鍵閉

通考云江西省臣言銀冶歲課萬一千兩而未嘗及數民不堪命自今從實辦之不為額戊辰太白晝見太

陰犯房十一月甲戌太白經天立江浙金銀洞冶轉運司乙酉

太陰犯井丁亥犯鬼戊戌升江西寧都會昌二縣為州十二月

丙辰太陰犯軒轅甲子犯天江丁卯禁諸王駙馬輒名有司官

吏減海運工費鈔一貫每石計六貫五百文著為令是月立皇

后伯岳吾氏初命郡縣通祀三皇如釋奠宣聖禮伏羲以勾芒

氏配神農以祝融氏配黃帝以風后力牧配俞跗以下載于醫

書者十人從祀兩廡有司春秋行事以醫師主之通考云元貞間建三皇廟

內有三皇并歷代名醫像東有神機堂內置銅人鍼灸圖二十有四五臟旁注為溪谷所會各為竅以導其源委又刻鍼灸

經于石其碑之題篆則宋仁宗御書至元間自汴移此是歲帝以京師米貴益廣賑糶法

設肆三十所發米七萬石糶之後增至四十萬石每為豪強巧

取乃命有司籍貧民戶數驗口給之減時值三之一

二年丙申春正月己卯上思州叛賊黃勝許攻剽水口思光寨

湖廣行省調兵擊破之勝許復入交趾壬午太陰犯輿鬼丙戌

太白晝見安西王傅請立王相府帝曰去歲阿難荅已嘗面陳

朕諭以世祖定制今復奏請豈欲以四川京兆悉為彼有耶賦

稅軍站皆朝廷所司今姑從汝請置王相府惟行王傅事丁亥

太陰犯平道庚寅犯鈎鈐命禿赤為御史大夫乙未回紇不刺

罕獻獅豹藥物二月己亥朔自六盤山至黃河立屯田置軍萬

人辛丑立中御府丙午禁軍將擅易侍衛軍蒙古軍以家奴代  
 役者罷職仍令其奴別入兵籍界以本主資產之半軍卒擅更  
 代及逃歸者死丁未太陰犯井括蒙古戶漸丁充行伍孩幼稍長之丁  
 也三月壬申以不忽木為昭文館大學士平章軍國事還太原  
 平陽路蒲萄園為民業罷四川馬湖路所進獨本葱癸酉有言  
 晉王甘麻刺及太師月兒魯有異圖者樞密院鞫之無驗帝命  
 言晉王者死言太師者謫從軍乙酉太陰犯鈎鈴夏五月戊辰  
 朔免兩都徭役甲戌詔民間馬牛百取其一羊不滿百者亦取  
 之惟色目人及數方取丁丑太陰犯平道庚辰土番叛掠階州  
 遣兵討之庚寅禁諸王駙馬招戶令有分地功臣戶與民均納  
 供需詔諸徒役者限一年放歸毋杖六月乙巳太白犯天關以  
 調兵妨農免廣西今年田租丁巳太白犯填星癸亥太陰犯井

秋七月癸酉定茶鹽轉運司印鈔提舉司運糧漕運司官以三

年為代雲南福建官吏滿任者准給驛歸壬午填星犯井太白

犯輿鬼續資治云勅官吏受賂初既辭伏繼審覆而有司徇情致令狡辯者加等論罪巳丑命行臺御

史鈎校隨省理問所案牘諸提調錢穀官所部有逋欠者勿遷

叙八月丁酉朔禁舶商毋資金銀過海諸使海外者不得為商

立肇州屯田萬戶府庚子太陰犯亢太白犯軒轅癸卯太陰犯

天江乙巳立捕盜賞格凡告捕強盜一名者賞鈔五十貫竊盜

半之應捕者又半之皆徵諸罪人無可徵者官給乙卯太陰犯

天街太白犯上將龍輿路隕霜殺禾九月戊辰太白犯左執法

壬申太陰掩南斗甲戌罷民間鹽鐵爐竈命沿海巡禁私鹽定

浙東福建湖廣兩稅法秋稅止輸糧夏稅則雜以木棉布絹絲

綿土物丁丑太陰犯壘壁陣甲申雲南乞藍部長荅刺率諸蠻

來降以其地爲雲遠路已丑太陰犯軒轅河決杞封丘祥符寧  
陵襄邑五縣贛州賊劉六十聚衆萬餘建僞號江西左丞董士  
選討平之冬十一月丁卯蠻洞峇馬刺一本王遣其子進象十  
六丁丑太陰犯月星及天街庚辰犯井丁亥犯上相增明年海  
運糧爲六十萬石調芍陂屯田軍萬人修大都城戊子太陰犯  
平道壬辰犯天江省雲南柏興府入德昌路十二月戊戌立徹  
里軍民總管府本古產里寰宇記作車里復置蒙棣剛等甸軍民官癸卯定  
諸王朝會賜與太祖位金各千兩銀七萬五千兩世祖位金各  
五百兩銀二萬五千兩餘各有差丁未太陰犯井乙卯犯進賢  
復司天臺觀星戶增置侍御史二員釋在京繫囚百人

大德元年丁酉春正月辛卯以王慶端爲中書右丞張斯立叅  
知政事建五福太乙神壇通考云建南郊二月丙申蒙陽何長遺弟

阿不刺來獻方物卽其地立通西軍民府并全州爲全寧府濟  
寧寧陽鎮爲縣改隸州巡檢司爲河曲縣戊午暹國羅斛羅羅  
斯各遣使來朝己未改福建省爲福建平海等處行省徙治泉  
州減福建歲織段三千疋其車渠帶工別立提舉司掌之庚申  
以改元赦天下詔曰朕荷天地之洪禧承祖宗之丕祚仰遵成  
憲庶格和平比者藥木忽兒兀魯思不花朶兒朶懷等去逆效  
順率衆內附畢會宗親釋其罪戾適星芒之垂象豈天意之儆  
予宜推一視之仁誕布更新之政可改元貞三年爲大德元年  
於戲側躬修行咸據奉若之誠革故從新聿底雍熙之治咨爾  
臣庶體朕至懷見典三月戊辰熒惑犯井庚午以也先鐵木兒  
平章政事梁德珪一名暗都刺爲右丞八都馬辛爲左丞癸酉太陰  
掩軒轅大星甲戌詔併各省鎮守軍福建併爲五十三所江西併爲二百二十七所江西



併爲六丁丑封諸王鐵木兒不花爲鎮西武靖王丁亥禁正月  
十四所丁丑封諸王鐵木兒不花爲鎮西武靖王丁亥禁正月  
至七月捕獵庚寅五臺山佛寺成皇太后親往祈祝御史李元  
禮諫止之不聽夏四月癸巳朔日食丙申勅御史臺不立選惟  
監察御史首領官聽御史臺自擇各道廉訪使必選用蒙古人  
或色目世臣子孫其次叅以色目漢人各省文案行臺差官檢  
覈近侍傳奉特旨令臺憲擢用者必俟奏明後任行臺御史秩  
滿有効績者或入內臺或聽中書省遷調廉訪使亦如之其不  
稱職者省臺擇人往代未歷有司者先授以牧民官經省臺同  
選者聽御史臺自調中書省或用臺察之人亦令與御史臺同  
議各官府憲司官毋得輒入體察一應擬除悉依舊制五月丙  
寅河決汴梁發民夫三萬塞之戊辰追收諸位下爲商者制書  
驛券定強盜姦傷事主者首從悉誅不則止誅首盜餘各刺配  
再犯者並誅癸酉太白犯鬼積尸氣乙亥太陰犯房丁丑禁民  
間捕鷲鷹鷂貴州葛蠻及平伐九寨平珠六洞內附各立長官  
司上思州賊黃勝許遣其子志寶來降帝曰勝許反側不足信  
如其悔罪自至則當復官其子命賜衣遣之甲午賜湖廣叅政  
崔良知鹽課鈔千錠旌其廉貧乙未太白晝見丙辰詔僧道犯  
姦盜重情者聽有司專決免亦奚不薛歲貢馬及兩鹽秋七月  
定在外慶賀行禮以守土官爲班首武職雖品大者不得攬越  
見典章 庚午太陰犯房辛未罷蒙古軍萬戶府入曲先塔林都元  
帥府定奉使外邦者假以會同館使副職銜不給制命丁亥免  
上都酒課三年河決杞縣蒲口命河北廉訪使尚文相視八月  
丁巳祲星出奎論諸王自今出獵悉自供億給衛士牧馬外郡  
者糧毋仰食于民九月辛酉朔祲星復犯奎丙寅罷括兩淮民

田已丑省南丹州安撫司改立慶遠南丹溪洞軍民安撫司詔  
邊遠官已優升品級而託故不赴者奪其官冬十月存恤諸郡  
被災之家詔曰比者各路水旱叠見損害田禾疫氣漸染人多  
死亡今被災人戶應納稅糧損及五分以上者全行蠲免雖被  
灾例不及免者以十分爲率量減三分其餘諸處普免二分病  
死之家或止存老幼單弱別無得力之人者並免三年差稅貧  
窮不能自存者官爲養濟江南新科夏稅今年悉與蠲免已納  
在官者准作來歲正賦見典章辛丑減上都商稅歲額爲三千錠  
戊午太白經天增吏部尚書一員十一月壬戌禁權豪僧道及  
各位下擅據鑛炭山場并私奪民田其獻田者加罪能保定紫  
荆關鐵冶提舉司還其戶八百爲民戊辰增太廟牲用馬戊子  
太白經天溫州妖人陳空崖坐禪設法僞稱羅平國正治元年  
平陽州官捕擒之十二月戊戌禁外郡戍卒對椿錢軍官不以  
時給反出已錢貸之徵其倍息者福建平章高興言漳浦縣大  
梁山產水晶乞割民百戶採之帝曰不勞民可勞民則勿取壬  
寅朔洞蠻內附立長官司二甲辰太白經天丙午太陰犯軒轅  
欽察都指揮使床兀兒攻被巴隣之地還擊海都軍敗走之甲  
寅太陰犯心間月壬戌太陰犯壘壁陣詔軍戶賣田者由所隸  
官給文券丙子太白犯建星淮東饑弛湖泊禁仍聽正月捕獵  
是歲順德等路旱樂壽交河疫死者六千五百餘人和州歷陽  
縣江漲漂沒民居萬八千五百家衡州鄱縣山崩水溢並蠲租  
賑糧三萬餘石

二年戊戌春正月壬辰禁諸王駙馬受投獻公私土田乙巳出  
糧十萬石賑北邊新附貧民罷土番礮門安撫司運司改立礮

門魚通黎雅長沙西寧遠軍民宣撫司以翰林王輝闕復王構  
 趙與燕王之綱楊文郁王德淵集賢王顥宋渤盧摯耶律有尚  
 李泰郝采楊麟皆耆德舊臣清貧守職特賜鈔二千一百餘錠  
 是月特祭太廟用馬一牛一羊鹿野豕天鵝各七餘如舊是為  
之始將發牲盤酌馬渾蒙古太祝升詣第一座呼帝后神諱致  
祝語以次列室如之禮畢則以割奠之餘撒于南樞星門外名  
日拋撒茶飯尤國禮所重二月辛酉歲星熒惑太白聚于危乙丑立浙西都  
 水庸田司專主水利以張九思梁德珪何榮祖並平章政事楊  
 炎龍為右丞以歲入不敷罷中外土木之役后妃諸王所需非  
 有肯勿給罷建康金銀銅冶轉運司歲辦金悉責有司辛未太  
 陰犯左執法丙子犯心癸未禁諸王駙馬毋擅祀嶽瀆其從者  
 毋假控鶴佩帶擾民三月丁亥朔加封東鎮沂山為元德東安  
 王南鎮會稽山為昭德順應王西鎮吳山為成德永靖王北鎮  
 鑿巫閭山為貞德廣寧王歲與嶽瀆同祀夏五月辛卯罷海南  
 黎兵萬戶府以黎蠻屯田府事入瓊州安撫司壬辰命中書省  
 遣官監雲南四川海北海南廣西兩江廣東福建等處六品以  
 下選戊戌太陰犯心巳酉立致用院六月庚申罷江南門攤稅  
江南在宋時行兩稅法自阿里海牙下湖廣改科門攤每戶一  
貫二錢增課五萬錠宣慰張國紀復請科夏稅與門攤並徵湖  
湘重羅其害御史以為言帝命罷之禁諸王擅發令旨其越例開讀者併所遣使  
 拘執以聞壬戌太陰犯角置奉宸庫秋七月癸巳太陰犯心汴  
 梁河決遣尚書那懷御史劉慶塞之自蒲口首事凡築九十六  
 所八月壬戌太陰犯箕九月辛丑太陰犯五車南星癸卯太陰  
 犯五諸侯巳酉犯左執法庚戌立吉贛江三州屯田命廣海左  
 右江戍軍依舊制二年更代冬十月壬戌太白犯牽牛置蒙古  
 都萬戶府于鳳翔戊寅太陰犯角距星令御史臺稽察樞密院

案牘十一月丙申罷雲南行御史臺爲陝西行臺移治京兆置  
雲南肅政廉訪司己亥太陰犯輿鬼辛丑辰星犯牽牛壬寅太  
陰犯右執法十二月戊午太白經天括諸路馬除牝孕携駒者  
己未填星犯輿鬼乙丑太白犯歲星太陰犯熒惑庚午填星入  
輿鬼太陰犯上將詔逃軍復業者免役三年給陣亡軍妻子衣  
糧甲戌彗出子孫星下己卯太陰犯南斗辛巳定諸稅錢三十  
取一歲額之上勿增是歲甘肅沙州鼠傷稼江浙水大都檀州  
雨雹山東河南淮揚燕南山北蝗各蠲租如例賑糧十五萬餘  
石釋在京囚二百一十九人

三年己亥春正月癸亥朔下存恤軍民詔曰朕自卽位以來重  
念屯戍征進軍士久服勞苦管軍官輿魯官務加休息不得妄  
有科配前詔已嘗及之今樞密院奏江南平定之後軍馬別無  
調度所司不知撫養致使軍前告退者多起補之間官吏因而  
作弊應嚴行禁治如有違犯酌輕重降黜至于張官置吏本以  
爲民小吏祿食不敷以致措取爲害令中書省各添給俸米鰥  
寡孤獨除照常給賑外自後每名添中統鈔一兩遇天壽節加  
支二兩著爲令見典章丙戌太陰犯太白己丑中書省臣以星變  
各引咎避位帝曰此漢人故事豈可一一倣之耶卿等但擇賢  
者任之自可挽回天意庚寅遣使問民疾苦除本年內郡包銀  
俸鈔免江南夏稅十之三增各路惠民藥局癸巳封藥木忽兒  
爲定遠王命哈刺哈孫爲左丞相丁酉太陰犯太微西垣上將  
戊戌犯右執法乙巳太白經天二月癸丑朔罷四川福建行省  
陝西行臺江東荆南淮西三道宣慰司置四川福建宣慰司都  
元帥府及陝西漢中道廉訪司己巳熒惑犯五諸侯壬申封吳

大夫伍員爲忠孝威惠顯聖王三月甲午命何榮祖定律令帝曰古今異宜不必相沿但取宜于今者戊戌熒惑犯輿鬼詔軍官受贓重者落職輕者降散官或決罰就職停俸期年許令自効夏四月己未太陰犯上將丙寅與星犯輿鬼太陰犯心庚午嚴捕淮浙私鹽驗所獲遷賞自通州至兩淮設巡防捕盜司十有九所五月壬午罷江南諸路釋教總統所放諸寺佃戶五十餘萬爲民丙申太陰犯南斗海南速古臺速龍探奔奚里諸番以虎象及抄羅木舟來貢己亥太白犯畢禁游商以人馬兵仗往諸番貿易六月癸丑罷大名路所獻黃河故道田輸和戊午以福建州縣官類多色目南人命以漢人叅用禁福建民冒稱權豪佃戶規免門役庚申太陰掩房丁卯熒惑犯右執法壬申歲星晝見秋七月己卯朔太白犯井丁未太陰犯輿鬼淮揚屬縣蝗爲鶩啄食飛者以翅擊死詔禁捕鶩八月己酉朔太史奏日食不應丁巳太陰犯箕戊辰太白犯軒轅大星己巳太陰犯五車九月壬辰夜有流星色赤尾長丈餘光燭地起自洶鼓沒于牽牛之西有聲如雷癸巳罷括宋手號軍乙未太陰犯昴距星丁酉太白犯左執法置河東山西鐵冶提舉司冬十月壬子授皇后冊寶甲寅復立海北海南道廉訪司丙子太陰犯房十一月庚辰置浙西平江河渠牐堰凡七十八所乙酉太白犯房丁酉浚浙西太湖及澱山湖十二月己酉徙鎮巢萬戶戍沅靖毗陽萬戶戍辰州均州萬戶戍常德癸酉諭中書省貨財出納自今無券記者勿與以阿魯渾薩理平章政事是歲命皇姪海山即武宗代寧遠王闊闢出鎮漠北賜馬二萬二千九百匹四年庚子春正月丙申嚴京師惡徒之禁犯者黥刺拘役癸卯

復淮東漕渠二月丁未朔日食丙辰皇太后崩明日祔葬先陵  
 戊午太陰犯軒轅乙亥立烏撒烏蒙等郡置維摩州夏五月癸  
 未諭平章阿魯渾薩理曰集賢翰林乃養老之地自今諸老滿  
 秩者升之勿令輒去甲午太陰犯壘壁陣辛丑太白犯輿鬼太  
 陰犯昴復置延慶司六月丙辰加月赤察兒太師完澤太傅丁  
 巳太白犯填星甲子勅各省非奉命毋擅役軍帛吉兒蘸八等  
 國來朝秋七月甲戌朔上皇太后尊諡曰裕聖皇后升祔裕宗  
 廟辛卯熒惑犯井封乳母韓氏為燕冀國順育夫人石抹氏為  
 冀國夫人八月癸卯朔更定蔭叙格正一品子為正五從五品  
 子為從九中間正從以是為差蒙古色日人特優一秩癸丑太  
 陰犯井甲子辰星犯靈臺上星閏月庚辰熒惑犯輿鬼以賀仁  
 傑平章政事九月戊午太白犯斗壬戌太陰犯輿鬼升英德州

為路置廣東鹽課提舉司甲子太白犯斗改中御府為中政院  
 掌中宮財賦營造事冬十一月壬寅朔免上都大都龍興明年  
 絲銀附近牧地免稅糧十之三徒罪各減一半杖以下釋之併  
 遼陽省所轄狗站牛站為一輟耕錄云高麗以此名別失人里  
 者必經此其地極寒海亦冰自八月即合至明年四月方解  
 人行其上如平地征東行省每歲委官至奴兒干給散囚糧須  
 用站車每車以四狗挽之狗悉諸人性站有十二月癸酉定江  
 狗分例若尅減之必囓其主者至死乃已十二月癸酉定江  
 北墾荒者四年起科初制三年起科悉貧民庚寅熒惑犯軒轅  
 癸巳太陰犯房是歲建康平江湖北浙東饑寧國太平旱賑粟  
 三十四萬九千三百石庚寅熒惑犯軒轅  
 五年辛丑春正月巳酉太陰犯五車壬子犯輿鬼積尸氣奉安  
 皇妣裕聖皇后御容于護國仁王寺勅官吏犯賊及盜官錢事  
 覺雖遇赦免亦加降黜小吏犯賊者並罷不叙典章云禁止辛

酉太陰犯心罷糧景兩州採金鐵冶及福建織繡提舉司二月  
 巳卯太陰犯輿鬼丁亥詔廉訪司官非親喪遷葬及以病在告  
 者不得離職軍民官或以地遠職卑已除不赴任者奪職勿叙  
 巳亥永寧路總管雄拙曲靖路宣慰使忽林失來朝三月戊申  
 太陰犯御女戊午馬來忽等游島遣使來貢丁卯熒惑犯填星  
 巳巳熒惑填星相合夏四月壬申太陰犯東井癸巳禁和林釀  
 酒其諸王駙馬許自釀飲民間無釀具而儲酒者勿問五月癸  
 丑太陰犯南斗乙卯熒惑犯右執法商州隕霜殺麥丙辰河南  
 妖賊醜斯等伏誅雲南土官宋隆濟反攻貴州知州張懷德死  
 之丁卯太白犯井六月甲申歲星犯司怪癸巳太白犯輿鬼歲  
 星犯井秋七月戊戌朔晝晦暴風起東北大雨雹丙午歲星犯  
 井丁未命監察御史審覆宗正府罪囚檢劄宣政院案牘辛亥  
 太陰犯壘壁陣癸丑浙西積雨傷民田命役夫二千人疏導河  
 道庚申辰星犯太白叛王合丹之孫脫歡自北來歸以暗伯河  
 忽台並知樞密院事八月諭行中書省宣慰廉訪二司列置諸  
 路之上本以弭盜賊脩政事糾不法撫良民也近年于此畧而  
 不問自今各脩乃職凡在所屬常加檢察期于政成民安諸路  
 鎮靜而止有不稱任者省臺錄其實跡奏示黜罰其嶽鎮海濱  
 名山大川風師雨師雷神各正官齋戒致祀有不敬者聽廉訪  
 使糾彈見典章庚辰遣官分道慮囚累年不決者具疑狀申省臺  
 詳讞有星孛于東井歷紫微天市垣至九月乙丑凡四十六日  
 而滅壬辰太陰犯軒轅御女乙未填星犯太微西垣上將冬十  
 月丙寅朔畿內饑增明年海運糧為百五十萬石戊寅武定路  
 土官群則獻方物癸未太陰犯東井改鄂州為武昌路丁亥定

軍官既受命而不時赴及差竣不即還者准民官例違限六月  
 選人代之被代者期年始叙辛卯夜有流星火如杯光燭地自  
 北起近東分為二星沒于危宿十一月己亥歲星犯東井降容  
 象橫賓路為州升昭州為平樂府省泌縣入唐州丁未設肆三  
 十六所減直糶米賑京師貧民戊申太陰犯昴彗入藍賴率丹  
 陽三十六洞來降立長信寺領尖幹耳朶悽憐口諸事湛然居  
 每新君立另設一帳房極金碧之盛名幹耳朶  
 後君立復自作之怯憐口謂習百工技藝者十二月甲戌歲  
 星犯司怪辛卯太陰犯南斗定凡盜人等竊者取一償九然後  
 杖之是歲海都與篤哇火舉入寇皇慈海山躬督五軍被之射  
 篤哇中膝號遁去海都走死江湖溢東起通泰崇明西盡真州  
 民被灾死者不可勝計賑米八萬七千餘石其米以  
 六年壬寅癸卯詔千百戶等自軍中先事而逃者罪死  
 敗而後逃者杖罷之沒入其子女乙巳晉王甘麻刺薨庚戌江  
 南僧石祖進告朱清張瑄不法十事下御史臺按問帝曰朕聞  
 江南富戶侵占民田以致貧者流離轉徙卿等嘗聞之耶臺臣  
 言富民多乞護持璽書依倚以欺貧民官府不能詰治宜悉追  
 收為便帝命速行毋越三日并諭自今僧官僧人犯罪御史臺  
 與內外宣政院同鞫凡寺觀續置田土及民以施入為名者並  
 輸租充役乙卯築渾河堤長八十里禁豪家母侵舊河定軍官  
 除邊遠征戍外凡遇祖父母父母喪俱准終制蒙古色目人各  
 從本俗有願守制者聽壬戌填星犯太微西垣上將二月庚午  
 太陰犯昴西南彗叛遣也速帶兒劉國傑次第討平之癸巳帝  
 有疾釋京師重囚發通州倉粟賑貧民三月丁酉以旱溢為灾  
 詔赦天下大都平灤被灾尤甚免差稅三年其餘灾傷之地已



經賑恤者免一年今年內郡包銀俸鈔江淮以南夏稅及諸路散辦門攤課程盡賜蠲免壬寅太陰犯輿鬼癸卯歲星犯井申

寅太陰犯鉤鈴合祭昊天上帝皇地祇五方帝于南郊遣左丞

相哈刺哈孫攝事此攝祀天之始夏四月乙丑朔太白犯東井丁卯

曲赦雲南諸部蠻獫戊寅太陰犯心戊子修廬溝土流石徑山

河堤庚寅太白犯輿鬼五月乙巳給貧乏漢軍地及五丁者一

頃四丁者三頃三丁者三頃其孤寡者存恤六年逃散者招諭

復業戊申太廟寢殿災六月癸亥朔日食太史院失推策下中

書議罪填星犯太微西垣上將甲子建文宣王廟于京師時京師未

有孔廟國學寓丁他所在乙亥太陰犯斗秋七月癸巳朔熒惑

與星辰星聚于井庚子太陰犯心戊午犯熒惑辛酉以怨都不

丁為中書右丞八月乙丑熒惑犯歲星巳巳犯輿鬼辛巳太陰

犯昴壬午太白犯軒轅九月丙午熒惑犯軒轅降輿民譌言括

童男女至有殺其子者命誅為首三人癸丑太陰犯輿鬼丁巳

太白犯右執法冬十月甲子徙浙東宣慰司治慶元鎮趙海道

置大同路黃花嶺屯田罷軍儲所立屯儲軍民萬戶府壬午熒

惑犯太微西垣上將十一月辛卯填星犯左執法乙未辰星犯

房癸卯太陰犯昴巳酉犯軒轅辛亥命合荅知樞密院事十二

月庚申朔熒惑犯填星辛酉雲南地震戊辰又震禁使臣枉道

馳驛乙巳歲星犯輿鬼乙亥太陰犯輿鬼庚辰熒惑犯太微東

垣上相癸未太陰犯房是歲賑浙江饒州糧二十九萬一千石

給京師貧民鈔十一萬七千錠有奇初太宗正所定刑獄俱任

蒙古必闡赤掌橐其中枉誤甚多至是始令譯史立漢文卷委

蒙古漢御史各一員閱視審覆然後待報革諸衙門濫設貼書

見典

章

七年

癸卯

春正

并戊戌

太陰犯

昴甲辰

犯軒轅

巳酉

弛饑荒

所

在山澤河泊禁乙卯誅朱清張瑄盡拘其海船軍器丁巳令樞

密院選軍士習農業者教軍前屯種二月辛未以木八刺沙阿

老瓦丁並申書平章政事尚文為左丞朶朶台董士珍參知政事

壬申詔樞密院宗正府自令政事與中書共議然後奏聞遷調

官員諸司不得擅奏雖經特旨用者可例未允亦聽覆奏戊寅

太陰犯心帝語省臣曰比有以歲課增羨希求爵賞者此非措

越才民何從而出自今除元額外勿以羨增作正數罷江南都

水庸田司通考云詔和林軍六年三月巳丑朔定凡子孫或因

貧困或信師巫說誘擅發祖父墳墓移棄尸骸貨賣墜地者與

惡逆同罪見典庚寅遣使宣撫循行天下以郝天挺等十三人

充七道使並給銀印江浙平章脫脫遣發朱清張瑄家屬出金

珠重賂之脫脫以聞帝曰朕以江南任卿果能爾真男子事也

其益恪勤乃事賜黃金五十兩壬辰以大都比歲不登罷修建

僧寺工役乙未中書平章伯顏梁德珪段貞阿魯渾薩理右丞

八都馬辛左丞月古不花參政迷而火者張斯立等皆以受朱

清張瑄賂罷甲辰增給京朝官祿米外任官無職田者亦驗俸

量給戊申大一統志成夏四月癸亥太陰犯東井徵陳天祥張

孔孫為集賢大學士郭筠昭文館大學士皆同議中書省事丙

寅太陰犯軒轅乙亥歲星犯輿鬼太陰犯南斗劉國傑敗宋隆

濟于墨特川擒斬之甲申熒惑犯太微垣右執法丁亥歲星犯

輿鬼五月巳丑開上都大都酒禁壬辰辰星犯東井濬上都灤

河甲寅禁諸王駙馬毋輒杖州縣官吏縱獵擾民山東隕霜殺

續通志

卷四

七

成宗

麥閏月戊午朔日食壬戌禁犯山阜林廟戊辰太陰犯心丞相  
完澤卒六月巳丑發蒙古軍萬人分鎮瓜沙三州隘口仍立屯  
田以供軍癸卯詔凡軍官子弟年及二十者與民官子孫同保  
直一年方許襲職萬戶于樞密院千戶于行省百戶于本萬戶  
乙巳罷四川宣慰司復立行省修甘肅阿合潭曲尤濠俾通漕  
運秋七月壬戌禁僧人以修建寺宇爲名賞諸王令旨乘傳擾  
驛丙寅命哈刺哈孫爲右丞相阿忽台爲左丞相戊寅歲星犯  
軒轅巳卯太陰犯井詔朝臣三品以下年七十者各升散官一  
等致仕乙酉熒惑犯房八月辛卯夜地震平陽太原尤甚村堡  
移徙地裂成渠人民壓死者衆摧北宮觀千四百餘區遣使分  
道賑濟癸巳太白犯氏甲午熒惑犯東咸太陰犯牽牛乙巳歲  
星犯軒轅辛亥熒惑犯天江九月丙寅太白晝見以太原平陽  
地震禁諸王所部擾民仍減歲飼馬之半辛未熒惑犯南斗罷  
僧官有妻者甲戌太陰犯東井乙亥太白犯南斗都城火命樞  
密院增巡防兵壬午辰星犯氏冬十月丁亥太白經天戊子以  
江浙年穀不登減海運糧四十萬石癸巳以行省官久任多與  
所隸編氓聯姻害政詔互遷之命只爾合忽知樞密院事給大  
都文宣王廟洒掃戶五乙未發雲南叛寇餘黨來京師庚子改  
平灤爲永平路升普定府爲路以故知府容直妻適姑爲總管  
眞志云容直効順賊未平而沒其妻能宣力戎行故有是命辛丑太陰犯東井庚戌翰林國  
史院進太祖太宗定宗睿宗憲宗五朝實錄辛亥增蒙古國子  
生百員十一月甲寅朔改順元路隸湖廣升全寧府爲路巳未  
太白經天辛酉雨木冰丙寅填星犯進賢戊辰太陰犯井巳卯  
犯東咸十二月甲申朔加封眞武爲元聖仁威玄天上帝乙酉

許貧民釀酒丙戌太白經天熒惑犯壘壁陣詔蒙古軍居山東河南者免遠戍甘肅丙申太陰犯東井辛丑犯明堂丁未犯天江庚戌彗星見約盈尺在室十一度入紫微垣奉使宣撫奏罷七道賊汚官吏一萬八千四百七十三人審冤獄五千一百七十六事賊罰鈔四萬五千八百六十五錠

八年甲辰春正月己未以災異故詔天下曰去歲地震平陽太原爲甚一切差發稅糧自大德八年爲始與免三年隆興延安上都大同懷孟衛輝彰德真定河南安西等路被災人戶與免二年大都保定河間等路亦免一年江南佃戶承種田土者私租太重以致小民困窮今普減十分之二著爲例至國家財物自有常制比者諸人妄獻田土戶計山場寄冷增添課程無非徼名貪利生事害民嗣後悉皆禁治其軍站民匠各戶往往托名僧道影蔽差徭自今有願出家者必本戶丁多差役不闕及有昆仲侍養父母許赴原籍官司陳告勘實方准剃度違者斷罪歸俗見典章乙丑復置遂平新蔡真陽太和沈丘潁上柘城城父邲舞陽十縣丙寅以塔思不花爲中書右丞趙仁榮參知政事辛巳禁諸王駙馬往遼東捕游東嚮者毋給驛癸未增築河防自滎澤至睢州凡十有八所是月平陽地再震巳修民居復壞二月丙戌增廣國子生二百員選宿衛大臣子孫充之降莊浪路爲州省隴于縣入德順州甲午詔父子兄弟有才者許並居風憲丙申分軍屯田于薛出合出谷甲辰世祖實錄成進金書節文一冊三月乙丑彗星始滅凡見七十四日戊辰詔諸王駙馬分地所置達魯花赤惟用蒙古人三年依例遷代軍官擅離所部者悉遣還翼軍人不告所部私歸者杖之軍民逃奴有

獲者即付其主誘匿者論罪仍追逃奴鈔充獲者賞夏四月丙戌詔諸路畏吾兒合迷里白相訟者歸都護府與民交訟者聽有司專決丁未分教國子生于上都五月癸未應作朔日食辛酉濬吳江松江海口役租戶萬五千入免其租人十五石設行都水監董其程復良田百餘里汝寧妖人李曹廬妄言得天書惑眾伏誅秋九月庚申復伯顏梁德珪八都馬辛迷而火者等官御史杜肯構中丞何通上章諫不報以阿里為中書平章政事張祐脫歡並參知政事癸酉諸王察八兒篤哇遣使來附賜幣六百匹湖州颶風起海溢民溺死者眾改封皇姪海山為懷寧王冬十一月壬子詔內郡江南人凡為盜黥三次者謫戍遼陽諸色及高麗人三次免黥謫戍湖廣盜禁獵馬者初犯謫戍再犯者死丁卯復免天下僧道租戊辰以鐵古迭兒為御史大夫王中增海漕米為百七十萬石十二月庚子復立益都淘金

總管府辛丑封諸王出伯為威武西寧王通考云是年冬始定國子生蒙古色目漢

人三歲各貢一人

九年乙巳春正月丁巳太陰犯天關甲子犯明堂己巳犯東咸

定考試教官法初充學錄教諭試詞賦二韻小賦并二韻經義

論論孟義明經解題各一道學正升教授試詞賦全賦一道經

義各從所業大義一道明經解題二道見典二月丁酉封諸王

完澤為衛安王藥木忽兒為威定王庚子議行郊祀禮元初代

之禮皆徇用國俗郊祀未嘗舉行至是哈刺孫言祭天尤國之大事宜如宗廟社稷歲時遣官攝行廷議謂周禮冬至圓丘禮天夏至方澤禮地西漢元始間始合祭天地歷東漢至宋分祭合祭之說訖無定見今當循三代之典祀天南郊其方澤之禮當俟再議按周禮壇墜三成近增至四成宜去其一以合陽奇之數每成高八尺一寸以合乾之九九壇設丙巳地以就陽位其器用陶匏席用藁蘇漢唐而後多陳玉帛宜取古今制損益行之辛丑令御史臺翰林集賢

院六部于五品以上各舉廉能識治體者三人行省行臺宣慰廉訪司各舉五人通考云詔求山林間有德行文學識治道者免大都上都龍興差

稅內郡包銀俸鈔一年建大夫壽萬寧寺詔致仕官止一子應

承廕者並免徭直家貧者給半俸終身三月丁未朔諭仲春已

後農民力作其救有司慎毋生事煩擾或有小罪即與疎決勿

禁繫以妨農時見典章甲寅癸亥犯氏戊午歲星犯左執法以高

興平章政事仍樞密副使夏四月庚辰太陰犯井乙酉大同路

地震壞官民廬舍五千餘間壓死二千餘人懷仁縣地裂二所

湧水盡黑漂出松柏朽木遣使賑之己丑東川路蠻官阿葵來

獻方物壬辰太白犯井五月丁未大都旱遣使持香禱雨戊申

徵原任陝西儒學提舉蕭輿赴闕命有司給以安車戊午立衍

慶司癸亥歲星掩左執法以地震改平陽為晉寧太原為冀寧

並蠲今年商稅省鬱林縣入貴州六月丙子朔立皇子德壽為

皇太子詔赦天下賜高年帛親年七十別無以次侍丁者許就

近遷除外任官五品以下並減一資致仕官褒加一秩諸罪囚

淹繫疑不能決者釋之流竄遠方之人量移內地甲午潼川江

溢漂民居溺死者衆秋七月乙巳朔升太府監為太府院丙午

癸亥犯氏辛亥築郊壇于麗正文明門之南丙位設郊祀署令

丞太祝奉禮協律等官癸丑以黑水新城為靖安路甲寅太白

經天王戌命故皇兄荅刺麻八刺妃弘吉刺氏及兄子愛育黎

拔力八達即仁宗出居懷州丁卯癸亥犯房復以段貞八都馬辛

並平章政事合刺蠻子為右丞迷而火者為左丞也先伯參知

政事沔陽玉沙江陳州西華河皆溢八月辛巳太陰犯東咸汰

孛可孫兀員掌治芻粟者增曲阜林廟洒掃戶以尚珍著田五十頃

供歲祀乙未熒惑犯天江九月丁巳熒惑犯斗冬十月丙戌太白經天復芍陂洪澤屯田及兩淮官地為豪右占據者悉令輸租已丑命兩廣以南軍與土人同戍是月帝不豫中宮秉政十一月丁未發鈔萬錠于雲南令與貝通考作賦參用其貝非出本土者同偽鈔論通考云按雲南賦以一為庄四為苗四苗為棗庚戌歲星太白填星聚于亢癸丑歲星犯亢丙寅歲星晝見庚午祀昊天上帝于南郊牲用馬一蒼犢一羊豕鹿各九其文舞曰崇德武舞曰定功通考云新建郊壇其迎送神曰天成之曲初獻奠玉幣曰欽成之曲奉饌徹豆曰寧成之曲以哈刺哈孫阿忽台鐵古迭兒為三獻官省祖宗配位壬申太白經天十二月丙子太白犯西咸地震庚寅熒惑犯壘壁陣皇太子德壽薨己亥辰星犯建星是歲河間益都般陽諸屬隕霜殺桑二百四十餘萬本

十年丙午春正月壬寅朔高麗王王胆遣使來朝自世祖末年高麗朝正使不時至至是適一會焉甲辰訪莊聖順聖裕聖三皇后儀範以備紀錄庚戌濬真揚等州漕河令鹽商每引輸鈔二貫為備工費丁巳太白犯建星戊午罷江南白雲宗都僧錄司汰其民歸州縣僧歸各寺田悉輸租時有白雲宗總攝所統江南為僧之有髮者壬戌發河南民十萬築河防禁近侍母輒驛名外郡官丁卯營國子學于文宣王廟西閏月癸酉太白犯牽牛己丑犯壘壁陣甲午以鐵哥闍里阿散並平章政事張閻杜思敬月吉不花並為中書左丞劉源參知政事二月丙辰封孛羅為鎮寧王戊午太陰犯氏三月戊寅歲星犯亢喀古王遣使來貢夏四月庚子朔詔凡匿鷹犬者沒家貲之半來獻者給以賞辛酉填星犯亢壬戌曲靖羅雄州渠長阿那龍少結諸蠻為寇平章也速帶兒捕斬之甲子倭商有慶

等抵慶元貿易以金鎧甲為獻五月詔江南平定之後悉為吾民此聞營利之徒以人為市因而強畧良人及借乞養過房名色公然販鬻奸偽非一朕甚憫之自後南北往來販人客旅並行禁止經過關津盤詰得實強畧者以強盜例科斷和誘者次之至軍中所得子女出征軍官同管民官從實分揀如係良民速令完聚果係賊屬聽本管萬戶千戶出具印照如敢擅掠平民律同強盜其有欲將驅口轉行貨賣者須赴所在官司給到公據違者俱各斷罪見典章癸未定西番僧往還者給以舟車毋令馳驛乙酉以塔魯忽台塔刺海並知樞密院事六月癸丑太陰犯羅堰上星已未歲星犯亢壬戌復立淮西道廉訪司秋七月庚辰太陰犯牽牛辛巳釋諸路罪囚常赦所不原者不與八月壬寅歲星犯氐熒惑犯太微西垣上將開成路地大震壞王宮及官民廬舍壓死故秦王妃也里完等五千餘人丁巳文宣王廟成行釋奠禮用太牢登歌樂製法服三襲命翰林院定樂

名樂章

通考云命江浙行省製造宣聖廟樂器以宋舊樂工施德仲審較應律運至京師秋八月用于廟祀先聖先令

翰林撰樂章命樂工習之降送神曰凝安之曲初獻盥洗升殿降殿望瘞皆同安之曲奠幣曰明安之曲奉俎曰豐安之曲酌獻曰成安之曲亞終獻曰文安之曲徹豆日娛安之曲蓋舊曲也第取而詳定之耳九月己巳熒惑犯太

微垣右執法壬午犯左執法冬十月甲辰太白犯斗青山叛蠻紅斡獠等來附辛亥太陰犯畢甲寅犯井十一月辛未歲星犯房壬申太陰犯虛甲戌熒惑犯亢戊子犯氐辛卯太陰犯熒惑十二月壬寅太白晝見乙巳歲星犯東咸帝有疾禁天下屠宰四十二日丙辰遣宣政院使沙的禱于太廟戊午太陰犯氐是歲晉寧冀寧地震不止大同暴風雨沙道州江溢山裂平江海嘯壤民居出鈔萬三千六百錠糧八萬七千餘石賑之



十一年丁未春正月丙辰

應作寅

朔帝大漸免朝賀癸酉崩于玉

德殿年四十二乙亥葬起輦谷是年九月乙丑加上尊諡曰欽

明廣孝皇帝廟號成宗國語曰完澤篤皇帝

冊曰蒙業以治垂拱用成中年奮武啓豐南征末嬰寢疾

壺柄廼萌賴斯賢輔鎮側強傾下外平取太劍出矣

武宗皇帝諱海山世祖皇太子真金第二子答刺麻八剌之長

子成宗兄子也母弘吉刺氏答刺麻八剌子二長即帝次愛育

黎拔力八達即仁宗帝以至元十八年七月十九日生成宗大

德三年以寧遠王濶濶出總兵北邊怠於備禦命帝即軍中代

之四年八月與叛王海都戰敗之于濶別列之地五年八月又

與戰于迭怯里古及合刺合塔之野師失利帝親出督戰大破

之援諸王駙馬軍以出明日復戰陣少卻海都乘之帝揮戈力

戰突出敵陣後海都不得志旋走死八年十月封帝懷寧王賜

金印置王傳官割瑞州六萬五千戶為食邑歲給五戶絲直鈔

天王三

皇清詹事府少詹事仁和邵遠平戒山學

續弘簡錄元史類編卷之五

二千六百錠幣帛各千匹十年七月自脫忽思圜之地踰按台  
山追叛王斡羅思獲其妻孥輜重執叛王也孫禿阿及駙馬伯  
顏等軍于也里的失之地受諸王禿滿明里帖木兒阿魯灰等  
降海都子察八兒逃于篤哇部盡俘獲其家屬營帳冬駐按台  
山降王禿曲滅復叛與戰敗之北邊悉平成宗晚年立子德壽  
爲皇太子皇后伯岳吾氏一作伯要真氏忌帝兄弟乃出帝母弟愛育  
黎拔力八達與帝母元妃弘吉刺氏居懷州無何德壽卒成宗  
寢疾無子后恐帝立修前怨召安西王阿難答及諸王明里帖  
木兒人朝陰屬意安西十一年正月成宗崩丞相阿忽台平章  
賽典赤八都馬辛伯顏與明里帖木兒謀奉后垂簾聽政援立  
安西王潛遣師斷帝歸路毋令入時帝居北邊適遣康里脫脫  
入京計事丞相哈剌哈孫急令還報且恐帝遠內難將作先遣  
使迎愛育黎拔力八達于懷州暫監國至則定計誅阿忽台入  
都馬辛賽典赤伯顏等并執阿難答明里帖木兒歸上都遣使  
迎帝三月帝自按台山至和林諸王勳戚畢會皆曰今阿難答  
等煽惑中宮陰蓄異志恐變生不測乃合辭勸進帝謝曰吾母  
吾弟在大都俟宗親畢會再議會帝母元妃惑于日者言欲帝  
讓位于其弟帝聞之謂康里脫脫曰我捍禦邊陲勤勞者十年  
且倫序居長術數之言茫然難信設我所爲上合天心下副民  
望則雖一日之短亦足垂名萬年何可以陰陽家言而遽乖祖  
宗之法哉此殆用事之臣擅權專殺懼罪故爲是奸謀動搖大  
本耳汝疾往察事機歸報我于是親帥大軍由西道諸王按灰  
由中道床兀兒由東道各以勁旅萬人從脫脫馳至大都入道  
帝言帝母愕然曰修短之說出自術家今宗王大臣議已定太

子不速來何爲復遣脫脫往促帝行至旺兀察都之地帝輿中  
望見之趨使同載脫脫具白母妃言且道安西謀變太弟監國  
始末帝大感悟五月乙丑至上都愛育黎拔力八達侍母元妃  
來會左右部諸王畢至乃廢成后出居東安州尋與阿難答明  
里帖木兒並賜死甲申帝卽位于上都詔曰昔我太祖以武功  
定天下世祖以文德洽海內列聖相承丕衍無疆之祚朕自先  
朝肅將天威撫軍朔方殆將十載親御甲冑力戰却敵者屢矣  
方諸藩內附邊事以寧遽聞宮車晏駕廼有宗室諸王貴戚元  
勳相與定策於和林咸以朕爲世祖曾孫之嫡裕宗正派之傳  
以功以賢宜膺大寶朕謙讓未遑至于再三間者姦臣乘隙謀  
爲不軌賴祖宗之靈母弟愛育黎拔力八達稟命太后恭行天  
罰內難旣平神器不可久虛宗祧不可乏祀合辭勸進誠意益

堅朕勉徇輿情於五月日卽皇帝位任太守重若涉淵水屬嗣  
服之云初其與民以更始可大赦天下免上都大都龍興差稅  
三年江南諸路民糧十分免三雲南八番諸甸差發全免各軍  
站工匠鹽場鐵冶等戶合納稅糧槩免三分被災山場湖泊課  
程權且停罷鐵冶許諸人煽辦蠲積逋恤鰥寡免儒戶差役命  
中書省續議舉貢法是日追尊考曰皇帝尊母元妃爲皇太后  
壬辰加知樞密院事朶兒朶海太傅右丞相哈利哈孫太保並  
錄軍國重事命塔刺海爲左丞相阿沙不花明里不花並平章  
政事劉正爲左丞遙授欽察也先帖木兒並參知政事以塔思  
不花爲御史大夫朶兀兒知樞密院事特授乞台普濟平章政  
事抄兒赤塔海並右丞阿里左丞康里脫脫御史大夫六月癸  
巳朔立母弟愛育黎拔力八達爲皇太子冊曰祖宗聖緒恭承

不顯之謨兄弟懿親宜正元良之號立天下之大本示天下以  
至公咨爾母弟愛育黎拔力八達德器淵深英姿玉粹武奮清  
宮之偉績文參定策之殊勳豈特華莠交輝之情式相好矣其  
在鳧鷖守成之治須汝贊之故於連枝同氣之間付以監國撫  
軍之任茲上承於母意蓋允出於朕心特立爾爲皇太子授以  
玉冊金寶維寵命之薦膺尙謙恭而自收益盡寧親之孝惟勤  
事上之忠以敦九族內睦之風以衍億祀無疆之慶明日以建  
儲詔天下曰朕承列聖之貽謀協宗王之翊戴必謹親賢之托  
其成繼述之功母弟愛育黎拔力八達性稟溫文行全孝敬夙  
著忠勤之節素明治理之方載惟靖亂之殊勳式副元良之渥  
命乃遵裕皇居東宮舊制於六月朔旦授以皇太子金寶俾領  
中書之務仍兼有密之司匪特敦兄弟友愛之情實以衍宗社

隆昌之祚咨爾多方體朕至意

儀見  
典章

甲午建行宮于旺兀察都

立宮闕爲中都丁酉詔諸王朝會賜與悉如大德所增之數巳  
亥以都指揮使馬謀沙角觥屢勝遙授平章政事癸卯復置詹  
事院及皇太子家令府正延慶三司典寶典膳二署甲辰以愍  
刺合兒鐵木兒不花並知樞密院事丙午太陰犯南斗杓星戊  
申特授孛蘭奚床兀兒並平章政事怯里木丁爲中書右丞丙  
辰敕銓調軍官聽樞密院公議餘人勿得冒請軍官父子兄弟  
許其相襲革外任官所帶相銜巳未改封寧遠王濶濶出爲寧  
王秋七月癸亥朔封諸王禿剌爲越王甲子遣大臣以卽位告  
謝南郊及太廟社稷

此卽位告謝之始通考云遣御史大夫卽

樂署編運皇地祇酌獻

南郊告謝天地主用相素質黑書又命大

曲及舞節翰林撰樂章丙寅以阿保功授明里大司徒封其妻  
梅仙順國夫人遣使詣西域取佛鉢舍利令天下僧誦藏經爲

三宮祈福已巳太陰犯亢置宮師府設太子師傅保賓客諭德  
 贊善庶子洗馬率更令丞司經令丞中允文學校書正字等官  
 癸酉罷和林宣慰司仍置行省左遷哈刺哈孫為和林左丞相  
 命月赤察兒為和林右丞相進爵淇陽王丁丑封諸王八不沙  
 為齊王朶列納為濟王迭里哥兒不花為北寧王加平章政事  
 脫虎脫太尉命塔刺海為右丞相塔思不花為左丞相教化法  
 忽魯丁別不花並平章中書省事庚辰以只兒合郎為御史大  
 夫辛巳加封孔子尊號制曰先孔子而聖者非孔子無以明後  
 孔子而聖者非孔子無以法所謂儀範百王師表萬世者也朕  
 纂承丕緒敬仰休風循往古之良規舉追封之盛典加號大成  
 至聖文宣王遣使闕里祀以太牢於戲父子之親君臣之義永  
 惟聖教之尊天地之大日月之明奚罄名言之妙尚資神化助

我皇元

見典章

敕中書省庶政非公議者勿奏壬午熒惑犯南斗

給和林省鈔二千錠歲收息以充公用仍以網罟賜貧民以郝  
 天挺孛羅答失並為中書左丞敕樞密院御史臺宣政院許得  
 自選官他司悉從中書銓注近臣不得輒奏富家顯出粟賑貸  
 者授以官庚寅置延福司八月甲午停內降旨授官乙未以為  
 伯都刺參知政事甲辰出納蘭不刺所儲糧萬石賑旁近民已  
 酉增置詹事院參議斷事官辛亥中書右丞孛羅鐵木兒以國  
 字譯孝經進帝曰此孔子之微言自王公達庶民皆當由是而  
 行其命中書省刻板摹印諸王以下皆賜之冀寧路地震九月  
 甲子帝至大都名臣奏議云武宗初即位上都即巡狩三不刺  
下巡狩不以時無以慰臣民望宜早還京師且臣聞人君猶北  
辰然居其所而衆星拱之不在勤遠畧也帝悟即日還大都  
 壬申上皇考尊諡冊曰顯親所以為子追遠所以厚民矧必百

世祀而位弗隆為天子父而養弗逮是宜稱秩以達純誠欽惟  
 皇考淵穆有容神明莫測文孫文子鍾至愛于兩宮宜君宜王  
 膺具瞻于四海當璧之祥未卜棄蹤之跡已遙興言欲報之恩  
 昊天罔極對越有成之命夙夜惟寅昭哉立德之升聖矣生知  
 之異衍莫衍于昌後嗣而有天下孝莫孝于配前烈而茂本支  
 念茲繼體之初益切中心之慕謹奉玉冊玉寶上尊諡曰昭聖  
 衍孝皇帝廟號順宗伏惟明明降鑒序于祖宗攸躋攸寧永錫  
 昌祥見元文類 程鉅夫撰上大行皇帝尊諡冊曰臣聞稱天以誅表名實  
 之至公法日而名庶形容之可擬維帝王之有諡蓋今古之彝  
 章欽惟大行皇帝稟上聖之資撫重熙之運當裕考龍升之後  
 承世皇燕翼之謀武威肅鎮于遐荒文德誕敷于華夏業業謹  
 盈成之戒愉愉盡孝敬之誠罷勤遠之兵邊燬弭而苗頑格遣  
 直指之使皇澤宣而民瘼除九族行敦睦之風萬國洽隆平之  
 洽爰酌奉常之典用昭告祔之文謹奉玉冊玉寶上尊諡曰欽  
 文廣孝皇帝廟號成宗伏惟睿靈在天孚鑒逮下茂膺典冊錫  
 羨邦家見元文類 張士觀撰又上成宗后失憐答里弘吉烈氏尊諡祔成  
 宗室定祔廟之次太祖室居中睿宗西第一室世祖西第二室  
 裕宗西第三室順宗東第一室成宗東第二室時哈刺哈孫言 順宗為成宗同  
母兄其神主宜兄 先弟後帝從其議癸酉太白犯右執法甲戌改太常寺為太常  
 禮儀院上乘寺為衛尉院置皇子位典牧監典幄署典樂司丙  
 子奪諸王公主駙馬及諸人賜田還官并停一切賜予丁丑定  
 省臣官數依舊制為十二員右丞相塔刺海左丞相塔思不花  
 平章牀兀兒乞台普濟如故以阿沙不花塔失海牙平章政事  
 孛羅答失劉正為右丞郝天挺也先鐵木兒為左丞于璋烏伯

都刺參知政事其班朝諸司冗員並從察汰乙卯太白犯左執

法甲申議立尚書省分理財用命脫虎脫教化法忽魯丁任省

事俾自舉官屬臺臣言至元中阿合馬桑哥相繼立尚書省事

敗併入中書頃為綜理財用又復立之勢必增置有司濫設官

吏無益帝曰卿言良是但此三臣者願任其事姑聽其行典章

浙飢禁荆湘淮右毋邊糴冬十月乙未升典寶署為監典瑞利用二監為院

乙巳太白犯亢甲寅太陰犯明堂丙辰以買奴知樞密院事救

行省平章總督軍馬得佩虎符其左丞等所佩者悉追納十一

月癸亥封諸王牙忽都為楚王丙寅帝朝皇太后于隆福宮上

玉冊玉寶丁卯太白犯房乙亥禁軍站鷹坊控鶴等戶毋冒占

氓田苟免徭役丙子太陰犯東斗乙酉犯亢庚寅賜太師月赤

察兒江南田時賜田悉奪還官帝以月赤察兒積有勲勞非餘人比故加特賜詔皇太后軍民

人匠等戶賦役並隸徽政院辛卯辰星犯歲星十二月壬辰朔

敕金虎符及金銀符非由中書省勿給舊制金銀虎符典瑞院掌之中書省給之事畢

則乃歸典瑞院後出入多不山中書下至商人結托近侍奉命請濫給以致有出無歸自後除官及奉使應給者必山中書命

留守司以來歲正月十五日起燈山于大明殿後延春閣前丁

巳以歲歉命宣政院省佛事罷工役庚申以改元赦天下詔曰

仰惟祖宗應天撫運肇啓疆宇華夏一統罔不率從逮朕嗣服

丕圖纘膺景命遵承詒訓恪守洪規永思創業之艱未知攸濟

重念萬幾之統在予一人故自卽位以來溥從寬大量能授官

俾勤乃職夙夜以永康兆民為急務聞者歲比不登流民未復

官吏並緣侵漁上下有乖和氣是以責任股肱耳目大臣思所

以盡瘁贊勤嘉猷朝夕入告朕命惟允庶事克諧樂與率土之

民共享治安之效邇寧遠肅賴不躓與可改大德十二年為至

大元年誕布惟新之令式孚永固之休於戲建元立極既正始於王春經世裕民尚仰承於台輔庶幾中外同底和不是歲江浙饑民艱漕粟令湖廣江西各輸五十萬石並由海道達京師杭州一郡歲釀酒糜米麥二十八萬石至是有禁

至大元年戊申春正月辛酉朔曲赦御史臺見繫犯賊官吏止徵賊罷職癸亥發六衛軍萬八千五百人供旺忽察都建宮工役甲子授阿沙不花右丞相行御史大夫事丙寅罷行都水監辛未帝欲以中衛親軍隸皇太子辭曰世祖立五衛以應五方去一不可乃摘各翼漢軍萬人別立一衛為東宮衛兵立衛率府甲戌禁進海東青鴨者托言驛騎不敷擅括民馬戊子改徽政院人匠總管府為繕珍司升中尚監為院尚舍監為寺己丑幽王出伯進玉六百餘觔賜金銀鈔厚答之罷河西采玉夫遣使巡行諸道共議弭盜方畧或匪盜不聞或期會不至或踰期不獲者官吏連坐二月癸巳改應坊為仁虞院以右丞相脫脫等為院使丙申立尚服院設尚冠尚衣尚鞞尚沐尚輦尚飾六奉御隸之更立甄用監隸徽政院驥川資武二庫隸府正司壬寅改詹事院使為詹事副詹事為少詹事院判為詹事丞三月乙丑太陰犯井以和林北來貧民八十六萬八千戶仰食于官非久計分賑鈔二百萬錠罷其廩給就令屯田丁卯為皇太后建興聖宮復立白雲宗攝所戊寅以脫脫木兒平章政事己卯命翰林國史院纂修順宗成宗實錄封阿沙不花康國公三寶奴渤國公教化魏國公曲出應國公加鐵木迭兒也兒吉尼並右丞相遣米楫等使蘓魯國夏五月丙寅降英德路為州丙子禁白蓮社毀其祠還其人隸民籍甲申立大同廣武康里三侍



衛親軍都指揮司六月己丑加三寶奴錄軍國重事曲出太子  
太保脫脫太尉大慈都平章軍國重事丁酉隴西寧遠縣地震  
鳥撒烏蒙三日之中地大震者六封藥木忽兒為定王乃蠻帶  
為壽王加官者李邦寧大司徒遙授左丞相仍領太醫院事秋  
七月庚申有流星起自勾陳南行圓若車輪微有銳經貫索而  
滅救以金銀歲入數少自今毋問何人以金銀奏請及託人轉  
奏者皆抵罪壬戌禁鷹房于大同龍興諸地縱獵擾民築呼鷹  
臺於朔州澤中鴻雪錄云南海子本元之飛放泊元制大都八  
百里以內東至灤州南至河間西至中山北至  
宣德府捕兔有禁以天鵝鷓鴣仙鶴鴉鵲私賣者即以其家婦  
子給捕獲之人有于禁地圍獵為奴婢首出者斷奴婢為良民  
收住鷹鷂同就近官司送納喂以新羊肉無則易以旺忽察都  
鷄自正月一日至七月二十日禁不捕者為令  
行宮成立中都留守虎賁二司辛未立御香局建香殿壬申太  
白犯左執法癸未樞密院言世祖時設院官六員成宗時增至

十三員今署事多至三十二員非制敕罷塔思帶等十一人乙  
酉以參虎人徹兒怯思為監察御史八月以命相詔天下曰中  
書政本也軍國之務小大由之朕自即位以來厲精求治爰立  
輔相以總中書期年于茲大効未著豈選用之未當與何萬幾  
之猶繁而羣生之寡遂也今特命左丞相塔思不花為中書右  
丞相太保乞台普濟為中書左丞相統百官平庶政便者舉行  
弊者革去一新條理大小機務並聽中書省區處諸王貴戚不  
得阻撓近侍官屬及內外諸司事不由中書議者毋隔越聞奏  
外任官非奉朝命毋擅離職赴都營求私事各省水旱饑荒已  
嘗遣使分賑其至大元年差發夏稅並行蠲免大江以北百姓  
供億繁勞包銀俸鈔輸納實為偏重自大德十一年為始悉予  
除豁諸站赤消乏逃亡者應速僉補管站頭目有私自典買站

戶親屬男女者勒令完聚價不追償

見典章

戊申立中都萬億庫

置寧夏河渠九月丙辰中書省言夏秋之間鞏昌地震歸德暴風秦安濟寧真定大水江浙饑疫癘大作臣等不才願退位以避賢路帝曰蓄害事有由來非爾所致爾等但當慎其所行壬戌泉州大賈進沉檀異木可構宮室者敕江浙省驛致京庚辰諸王禿滿進所藏太宗玉璽進封陽翟王癸未太陰犯熒惑遣使諭薛迷思干部冬十月癸巳蒲縣陵縣地震甲午以阿沙不花知樞密院事罷大都權酷辛丑太白犯南斗癸卯發湖廣米十萬石貯揚州江西海漕米五萬石貯朱汪利津二倉濟山東饑甲辰加鐵木兒不花錄軍國重事禿忽魯也速脫字花並知樞密院事以西僧教无班為翰林承旨收護國仁王寺昭應觀運總管府為會福院十一月庚申太白晝見增官吏俸以至

元鈔給之停其祿米歲省米四十萬石吏員以九十月出身如舊制詔免被災田租凡佃戶止輸田主十分之四丁卯中書省言銓選錢穀他司乞毋干預帝曰已降制書令諸人勿干中書之政他日或有乘朕遺忘持內降文記及傳旨至中書者其執之以來朕將加罪已已命脫脫為左丞相也兒吉尼為御史大夫大慈都為太子詹事以國用不給汰宣徽太府利用等院遣使覈天下屯田凡一百二十餘所令同行省宣慰官親履其地具籍以聞癸未皇太后造寺五臺山摘軍六千五百人供役閏月丙申罷江南進沙糖遼陽進雕豹止富民輸粟授官例乙巳詔虎符國之信器驛券使臣所需凡西域賈人名求珍異請給者槩行追收丁未罷順德廣平鐵冶提舉司立汴梁之項城中都之開寧縣敕河西僧戶準先朝定制從軍輸稅一與民同甲

寅故丞相哈刺哈孫卒

典章云救民間厚葬有用金銀寶玉器玩者以不孝治罪十二月庚

申封和郎撒爲隴王降龍興爲源州升蔚州爲蔚昌府省河東

宣慰司以大同路隸中都留守司冀寧晉寧二路直隸中書省

甲戌賜御史臺及監察御史宴服命有司贖饑民所鬻子女召

吳澄爲國子監丞是歲月赤察兒進攻叛王子察八兒諸部相

率來降漠北平江浙饑賑米五十三萬五千石鈔十五萬四千

錠麵四萬劬又流民百三十三萬九百五十戶賑米五十三萬

六千石鈔十九萬七千錠鹽折直爲引五千令行省行臺遣官

臨視益都水民饑采草根以食免今歲差徭仍以本路稅課及

發朱汪利津兩倉粟賑之

二年己酉春正月辛卯皇太子諸王百官上帝尊號曰昔我

世祖既平炎趙質之於書幅員廣長振古無倫覆燾之下八紘

萬國莫敢不庭何獨一王西北岸然憑道阻修方命正朔德綏

之而不摯威董之而不讐夫豈不能聲罪致罰深入其地終以

聖人親其宗親包荒有年成宗繼序憤久驚頑天鑒昭明於裕

皇孫獨異陛下授以信寶撫軍漠北是固以張足付神器之本

時未及寇乘命卽行其視萬里莽闕寒冽之鄉不遠不難如堂

適庭至則獎厲諸軍修明法紀簡拔果毅均苦分勞解衣燠寒

推食飫饑洗洗汔汔士氣日作睿算伐謀待寇歲至奪人以先

身踐戎行霆馳電擊大北其羣虛已不矜日慎一日始終十年

不狃屢勝狂狡不懲悉銳來加當以選鋒用間出奇盡襲輜重

彷徨無歸度不能軍耄倪纒纒降口百萬致茲救寧平四十年

未靖之梗成兩祖宗未究之志天下之人聞其風聲思視天光

者顛顛翹翹九圍一心握是乾符歸正宸極弛武事之夙習洽

新化以文治立愛自親曾未旬浹上尊太后問安以時下建儲  
宮庶政是先又舉列聖未遑之典欽崇元祀玉璣黃流薦裸太  
室還鼎龍輿徘徊太祖龍旂九旂勸金于斯肇基帝業爲城中  
都又以孔子垂範百王將二千年而顯謚未稱加大成於至聖  
文宣王上立勞於軍與凡庭臣悉大賚之間歲不登旣賑旣恤  
虞施未博民罹罪罟再肆大宥至德難名赫赫巍巍惟天爲大  
掛一漏萬井觀如斯求可盡臣下歸美報上者惟是徽稱謹奉  
玉冊玉寶上尊號曰統天繼聖欽文英武大章孝皇帝欽惟陛  
下立心天地立極生民茂對鴻名于億萬年見牧菴文集乙未越王  
禿刺有罪賜死乙巳追奪自大德六年至至大元年内降璽書  
不由中書直下翰林院頒給有于田土戶口銓選獄訟害民妨  
政者凡六千三百餘道二月大赦詔曰朕荷三靈之隆眷承列

聖之丕基永言置器之難恒切履冰之慎廼者皇太子率中外  
臣庶僉謂撫軍十載遐裔悉平當宁九重成規具舉若稽舊典  
合進徽稱豈朕躬所克當惟祖武之顯式巳于正月七日御大  
明殿受尊號越五日躬詣太室恭謝訖爰念卽位以來恒以賑  
災恤民爲務而恩澤猶未溥博流離猶未安集豈有司奉之不  
至與今特命中書省遴選內外官僚專以撫治爲事簡汰冗員  
樽節浮費一新政理斯稱朕意於戲薦鴻名而嚴寶冊旣俯徇  
於輿情肆大賚以濟黎元其博加於實惠尚賴宗親近輔羣辟  
庶司勉効忠勤同躋康乂論大司農司總挈天下農政設學校  
以養人材積義糧以備凶歲滋養栽植興舉水利賞勤罰惰期  
于敦本抑末管民官依時勸課廉訪使年終考其殿最類申大  
司農司以定黜陟務崇實效毋事虛文俱見典章癸亥罷行泉府院

以市舶歸行省己巳太陰犯亢辛未犯氏壬申定各衛董屯田  
官三年一易三月己丑封諸王也不干爲襄寧王辛卯罷杭州  
白雲宗攝所立湖廣頭陀禪錄司以和林屯糧去秋收至十萬  
石賞其官吏軍士有差戊戌太陰犯氏己亥熒惑犯歲星夏四  
月辛酉立興聖宮江淮財賦總管府癸亥摘漢軍五千給田十  
萬頃於直沽沿海屯種立鎮守海口屯儲親軍都指揮司壬午  
創中都皇城角樓五月丁酉以陰陽家言權停各寺及亭苑鷹  
坊工役甲辰敕自今乘輿北幸以丞相一人留守京師著爲令  
六月癸亥遣官督捕蝗典章云蝗不食豆苗勸民多種豌豆或  
取騰雪煮馬骨放水冷浴諸種子生苗  
蝗亦不食禁諸賜田者馳驛徵租庚午選大都隸儒籍者四十戶充  
文廟樂工甲戌以宿衛士多漢人南人投充避役濫請衣糧敕  
遵舊制止存蒙古色目之有閭閻者餘並革去乙亥宣政院奏

免僧道也里可溫答失蠻租稅帝曰田有租商有稅乃祖宗成  
法一體奏免非制依舊徵之秋七月癸未河決歸德封丘壬辰  
松潘疊宕威茂等處安撫司管內西番禿魯卜降胡漢民四種  
雜處遣官往蛇谷隴迷招降其八部得萬七千戶改設宣撫司  
治茂州徙松州軍鎮其地乙未復置龍南安遠二縣隸贛州己  
亥樂實請更鈔法圖新鈔式以進且與保八謀立尚書省帝命  
與乞台普濟塔思不花脫虎脫集議保八言政事得失皆前中  
書省臣所爲今欲舉正彼懼有累孰願行者若立尚書省必使  
舊事從中書新政從尚書力薦乞台普濟脫虎脫等任其事塔  
思不花言此大事遠爾更張乞與老臣更議帝不從八月癸酉  
復立尚書省以乞台普濟爲右丞相脫虎脫爲左丞相三寶奴  
樂實平章政事保八爲右丞忙哥鐵木兒爲左丞王巖郝彬參

知政事立皇太子右衛率府志作延祐年間事今依本紀載此詔修甘肅城城

中多積金粟以給諸王軍馬復立瓜沙州屯田巳卯三寶奴言

中書省尚有逋欠錢糧應追理者宜存斷事官十人餘皆併入

尚書省至尚書省既立更新庶政用官六十四員其中有品秩

未相當或從未歷仕者乞弗拘例帝皆從之且敕天下敢有阻

撓尚書省事者罪勿道九月庚辰朔頒尚書省條畫於天下曰

三載考績三考黜陟幽明此古者責成悠久之道今路州司縣

親民正官定以九年為滿歲考治功以示黜陟有撫字盡心百

姓安阜鈔法流通政事卓越者不次旌擢其不盡職而有私犯

者懲以重罪至風教所行有關人心世道令所司表率敦勸以

復淳古如有子証父奴証主及妻妾弟姪干名犯義者一切究

治其學校之設所以明人倫養賢才為政之要莫先于此諸正

官當躬親勉勵各得其才以備選舉凡在學儒生課講不輟者

與免雜泛差役官府大小公事已立有限程民間詞訟尤當用

心平允比來徃徃背公徇私變亂是非遐邇不決以致民怨莫

伸今後各務依理處斷毋得淹延歲月官僚執見不同者許各

出所見申聞上司詳勘違者監察御史廉訪使糾治見典章改各

行中書省為行尚書省頒行至大銀鈔詔曰昔我世祖既登大

寶始造中統交鈔以便民用歲久法墮亦既更張印造至元寶

鈔逮今又復二十三年物重鈔輕不能無弊迺循舊典改造至

大銀鈔頒行天下至大銀鈔一兩準至元鈔五貫白銀一兩黃

金一錢隨路立平準行用庫買賣金銀倒換昏鈔或民間絲綿

布帛赴庫回易驗時估給價諸路府州縣設立常平倉以權物

價豐年廣收粟麥米穀值青黃不接之時減價出糶以遏沸湧

金銀私相買賣及海舶興販金銀銅錢綿絲布帛下海者並禁  
之中統交鈔詔書到日限一百日內盡數赴庫倒換茶鹽酒醋  
商稅諸色課程如收至大銀鈔以壹當五頒行至大銀鈔自二  
兩至一釐定爲十十五等以便宜用元鈔法至是凡三變大抵  
鈔又五倍於至元未及期年仁宗卽位卽罷  
銀鈔而中統至元二鈔終元之世蓋常行焉壬午江南行臺劾  
平章教化詭言家貧冒受賜物折鈔二萬錠且其人素無一善  
可稱命奪魏國公爵癸未從尚書省言省部諸務皆聽便宜處  
置大事或須上請得旨卽行累朝格例前後不一吏得輕重任  
情自太祖以來所頒政令九千餘條刪除繁冗編爲定制癸巳  
以大都城南建佛寺立行工部令丞相脫虎脫兼領以冀寧大  
同保定真定當五臺山建寺所須直取於民免今年田租巳亥  
罷中統鈔以至大銀鈔爲母至元鈔爲子仍撥至元鈔本百萬

錠以給國用立資國院于大都泉貨監于諸省設提舉司十九  
于產銅之地鑄錢曰至大通寶者每一文準銀鈔一釐曰大元  
通寶者每一文準至大錢十文以歷代銅錢與至大錢相參通

用

綱目云初行鈔時雖皆以錢爲文而廢錢弗鑄  
今始行錢法其幣五當三折二並以舊數用之

從尚書省言

三宮內降之旨仍舊準行儻於大事有害則令復奏中書政務  
盡歸尚書省聽其任人惟宣敕散官仍委中書海外占八國來  
貢白面象伽藍木遣使分往不憐八孫八昔占八諸國甲辰立  
度支院掌芻粟奪江南賜田于二百三十頃得租五十萬石充  
官用禁貴戚家養豹冬十月庚戌朔大赦詔曰朕自臨御以來  
下詔萬方其所以撫安元元者亦已至矣而前歲江浙饑疫今  
年蝗旱相仍民或盡死幸生者流離道路雖嘗遣使分道賑濟  
恐未能徧夫旣罹是天刑輕觸憲綱者必衆有司槩以重法繩

之朕實憫焉其自十月日昧爽以前中外罪囚大辟以下已未發覺並從釋免流民轉徙無常有司加意存恤遺骸暴露者官為收瘞親民官不得取借部下錢債違者計贓論罪見典命皇太子兼尚書令丙辰從樂實言質江南富民子為軍有歲收糧五萬石以上者每石輸二升於官半備凶年半養衛士辛酉弛酒禁立酒課提舉司癸亥以布里牙敦為御史大夫乙丑皇太后有疾釋天下重囚壬申太陰犯左執法加知樞密院事禿忽魯左丞相丁丑命阿散為尚書左丞相伯都平章政事忽都不丁為右丞鐵里脫歡賈鈞並中書參知政事戊寅御史臺言常平倉木以益民然歲比不登立之必反害民至大銀鈔初行品目繁碎民猶未曉又兼行銅錢慮有相妨民間拘銅器甚急弗便又歲凶乏食不宜遽弛酒禁不報發御史臺贓鈔萬錠賑山

東饑改昔寶赤八刺合孫總管府為奉時院十一月庚辰朔以散朮帶為平章政事商議樞密院事己亥太陰犯右執法庚子犯上相發至大鈔二千錠于江浙河南江西湖廣和糴得糧百萬石丙午諸王孛蘭奚以私怨殺人當死帝曰國族也杖之流北部從軍丁未擇衛士子弟充國子學生十二月乙卯帝親饗太廟加上太祖聖武皇帝尊諡曰法天啓運光獻皇后曰翼聖本傳作不元睿宗景襄皇帝曰仁聖莊聖皇后曰顯懿執事者二年上諡人升散階一等賜太廟禮樂戶鈔帛有差通考云始製先農樂章以太常登歌樂禮之武昌婦劉氏訴三寶奴奪其所進亡朱玉璽夜光珠下省臺雜問得喬瑜誣捏狀帝命斬喬瑜杖劉氏庚申太陰犯參壬戌陽曲縣地震定內外官三品以上者許請諡若勳戚大臣特旨賜諡者不在此例通考云至元初頒農桑雜令是年准西廉訪苗好謙獻種藉之法其說分農民為三等上



戶地十畝中戶地五畝下戶二畝或一畝皆築垣墻圍之以

時收採桑樵依法種植帝善而行之其法出齊民要術等書

三年庚戌春正月癸未汰中書省官吏自客省使而下一百八

十一員聽尚書省遷敘通考作三百員乙酉徵李孟入見謂宰臣曰此

皇祖妣命為朕賓師者特授平章政事同知樞密院事丁亥白

虹貫日巳丑以紐隣參議尚書省事辛卯立皇后弘吉刺氏遣

脫虎脫樞太尉持節授玉冊玉寶癸巳立中瑞司掌皇后寶司

禮監管巫覡甲午太陰犯右執法乙未制諸色課程自大德十

一年較定舊額新增總為正額折至元鈔作數以至大三年為

治厥辦餘止十分為率增及三分以上為下酬五分以上為中

酬七分以上為上酬九分者為最不及三分者為殿稅課官萬

錠之上設正同副提舉各一員千錠之上設提領大使副使各

二員五百錠以上半之百錠以上不設提領丙申復立廣平順

德路鐵冶都提舉司湖廣垂西帶蠻阿馬等入寇乙巳省樞密

院官存知樞密院七員同知院事二員副使二員僉事二員同

僉院事一員增御史大夫中丞侍御史治書侍御史各五員省

通政院官六員止存十二員二月辛亥熒惑犯月星巳未浚會

通河增大都警巡院分治四隅壬戌太陰犯左執法丁卯從尚

書省言以至元鈔輸萬億庫銷毀其板止以至大鈔與錢相權

通行壬申以樂寶為尚書左丞相駙馬都尉封齊國公乙亥太

白犯月星三月巳卯朔定收支數目各以零就整至元鈔以釐

為止至大銀鈔以毫為止斛以合為止權以分為止度以寸為

止其絲忽微塵抄撒圭粒等數並行削去以省繁文見典章庚寅

太陰犯氏在辰立興聖宮章慶司以江浙財賦府及瑞州營民

司並隸焉丙申太陰犯南斗丁未太白犯井夏四月巳酉四川

容米洞官田墨糾衆爲亂遣永順安撫使梓材往招之戊辰太白晝見改大承華普慶寺總管府爲崇祥監丙子增國子生爲三百員封諸王完者爲衛王六月丁未朔以幹亦爲中書左丞忽都不丁爲右丞己酉立上都中都及雲州銀冶提舉司庚戌立規運都總管領大崇恩福元寺錢糧乙卯太陰犯氏丁巳諭脫虎脫三寶奴總治百司庶務並從尚書省奏行壬申遣使諸道慮囚秋七月戊寅太陰犯右執法己卯犯上相封皇伯晉王長女寶答失憐爲韓國長公主庚寅給親民長吏考功印曆令監治官歲終驗其政績書而上之廉訪司御史臺尚書禮部考校以定黜陟己亥禁權要商販挾聖旨諭旨令旨阻礙官河民船八月丁未以忽刺出釐日並爲御史大夫甲寅白虹貫日九月己卯平改蠻長不老丁遣使來

陰犯建星辛卯犯天廩壬辰司徒劉夔乘驛至江南省親二年不歸詔削籍庚子帝諭尚書省曰去歲中書省奏諸司官遵大德十年定制濫者汰之今員冗如故有不以聞而徑之任者有不奏而擅令之任者並逮捕之朕不輕釋冬十月甲辰朔太白經天丙午太白犯左執法定今歲冬至祀圜丘尊太祖配來歲夏至祀方丘尊世祖配朝日夕月于春秋二仲舉行其太廟祠祭故用瓦尊者以銀代之戊申帝朝興聖宮上皇太后尊號曰儀天興聖慈仁昭懿壽元皇太后癸丑熒惑犯亢甲寅諭中外民戶託名諸王妃主規避徭役者俾充驛卒及築城夫郡縣官失察者罷職丁巳詔減宮人膳尚書省言宣徽院廩給日增儲待不給帝曰比見後宮飲饌與朕無異有是理耶其使宣徽使覈實減之辛酉以皇太后受尊號赦天下大都上都中都較他

郡供給煩擾與免至大三年秋稅其餘至大二年以前民欠錢糧悉從蠲免內外不急之役截日停罷民間雜差先儘游食之徒次從工賈末技其力田之家勿奪農時官民田土各有所屬諸人勿得陳獻民官公罪許罰贖杖徒以下並原宥從三寶奴言省部官自今晨集暮退怠者不俟奏聞便宜加罪其到任一再月卽辭病者杖罷不敘發鈔二百錠規運取息以供尙書省膳丁卯封諸王木八刺子買住韓爲宛王雲南省丞相鐵木迭兒擅離職赴都有旨詰問以皇太后故貸免令復職以丞相帖古迭兒爲陝西行臺御史大夫十一月甲戌朔太白犯亢辛巳封三寶奴楚國公加脫虎脫太師錄軍國重事封義國公壬午改大崇恩福元寺規運總管府爲隆慶院丁亥太陰犯畢戊子以益都寧海諸處連歲饑罷鷹坊圍獵容米洞田墨來降授黃

沙寨千戶城中都丙申有事于南郊以太祖皇帝配享昊天上帝五方帝日月星辰從祀通考云令大樂署製配位及親祀曲譜舞節翰林院撰樂章巳亥尙書省以武衛都指揮使鄭阿兒思蘭段叔仁等圖不軌誣服並棄市十二月甲辰朔立崇輝署隸宣政院戊申冀寧路地震是歲襄陽峽州大水山崩壞官廨民居二萬一千八百間死者



四百餘人計口賑糧兩月死者給以糶  
辛亥春正月癸酉朔帝不豫大赦庚辰崩于玉德殿壽三  
壬午葬起輦谷夏五月上尊諡曰仁惠宣孝皇帝廟號武宗  
冊曰北藩入嗣三宮協和慨然創治爵濫賞阿貳省亂政  
令教繁訛有爲何裨變政已多

文化甲子

